




BIBLIOTEKA

Zakł. Nar. im. Ossolińskich

XVII 1507

August Bielowski

150447



SIMONIS SIMONIDÆ
POEMATIA AVREA
cum antiquitate comparanda

edita ex Bibliotheca

IOACHIMI MORSI

Accedit

VITA ET OBITVS

MAGNI IOANNIS SAMOSCHÆ
PATRONI SIMONIDIS.



LVGD. BATAV.
Typis Iacobi Marci,

MDCCXXIX.

150447

TVTA EST ÆGIDE
PALLAS.

XVII - 1507 - II

ILLVSTRISSIMO AC EX-
CELLENTISSIMO

PRINCIPI ET DOMINO,
DOMINO

OCTAVIANO ALEXANDRO,

DVCI PRONSCENSI,

DNO. MEO CLEMENTISSIMO,

IOACHIMVS MORSIVS

SALVTEM ET FELICITATEM
PERPETVAM P.



Ab eo tempore, PRIN-
CEPS LITERATIS-
SIME, quo Nobilissi-
mus & inusitatâ doctrinâ ce-
leberrimus THOMAS SE-
GHETVS BRITANNVS, an-
te decennium me adhuc admo-
dum adolescentem, & Amplis-
simum virum Dominum IO-
ANNEM VVOWERIVM

)?(3

meum,

meum, generis humani, (heu
quondam!) delictum, in pa-
trio nostro solo humanissime
inviseret, & ex Simonidæis his-
ce, quas Serenissimo tuo nomi-
ni consecratum eo, odis, priores
duas à se editas liberaliter obfer-
ret, de iis in lucem reducendis
semper cogitavi. præcipuè cum
perpaucissima tantum earum
exemplaria typis excusa pro-
diisse, nec vnquam illorum vlla
in Bibliopoliis publicitus exti-
tisse, simul intelligerem. Quod
meum consilium, ecce tibi, vbi
veteri meo, ac quantum est ho-
minum fidissimo familiari,
MARTINO RVARO, quem
ob ingenium sublime, iudicium
acerri-

acerrimum, & variam atque re-
conditam eruditionem, mecum
olim venerabitur posteritas, in-
dicarem: factum vt non tantum
hic illud cum aliis, quos eius-
dem instituti mei participes red-
dideram, mirificè probarit: sed
& cætera benignè suppeditarit,
quæ istis cum vitâ ac obitu lau-
datissimi ZAMOSCI, Patro-
ni SIMONIS SIMONIDIS
clementissimi, adiecimus, quo
me in proposito meo optimo
confirmaret. Aggressus itaque
serio, quod molitus iam pridem
opus, nec diutius invidiosè de-
litescere penes me immortales
Excellentiæ tuæ gentilis labores
passus sum. Feliciter enim tandē

1615
eos, Musis ac Gratiis applaudenti-
tibus, sub tuo, Apollinis nostri,
faustissimo auspicio, in thea-
trum literatorum totius terra-
rum orbis produco. Nam tu
præter Regias disciplinas ac Im-
peratorias artes, non solum eam
exotericarum Linguarum peri-
tiam tibi comparasti, vt civem
te suum Germani, Belgæ, An-
gli, Galli, Itali, Hispani, &c. ag-
noscant: sed & hanc quoque in-
terioris literaturæ singularem
scientiam, vt præ ceteris natio-
nis vestræ, eximias authoris no-
stri dotes, vnicè æstimare queas.
Referens planè nobis in vniver-
sis divinum genitorem tuum,
Tartarorum debellatorem for-
tissi-

tiſſimum, Senatoremque Re-
gni Poloniæ ſapientiſſimum,
quem iam

*--- fama vehit trans æquora, transque
remotas*

*Tethyas ambages, Atlanteosque recessus.
Audiſt & gelido, ſi quæ Mæotica pascit
Sub Iove, vel calido ſi quis coniunctus
in axe*

Nascentem te Nile bibit.

cuius, ubi meliore mihi otio frui
contigerit, familiam potentis-
ſimam, & maternam SANGV-
ZIONAM ſtirpem antiquiſſi-
mam, maiorumque veſtrorum
egregia facinora, ac propria me-
rita & ornamenta, quæ

--- nec ventura ſilebunt

*Lustra, nec ignotâ rapiet ſub nube ve-
tuſtas,*

)?(5

ſi vitæ

si vitæ meæ fila Lachesis aliquantulum adhuc extenderit, iusto debitoque elogio persequar. Nunc præmittere placuit aurea hæc, ac cum omnibus priscis comparanda Poëmata, cultus erga virtutes tuas cœlestes, affectusque mei incredibilis, qualecunq; monumentum: victurum tamen, quemadmodum confido, quamdiu Græcis Latinisque literis honos aliquis in mundo erit. Quod, tu Heros magnanime, pro innatâ pietate à cliente tuo excipe comiter, ac Nestorea, cunctis florens bonis, prosperè vive sæcula, mei in favore perennans.

Festinabam Lugd. Bat. A. C.

M D C XIX. Mens. April.

Ad

AD

CLARISSIMUM VIRVM

DN. IOACHIMVM
MORSIVM

SIMONIS SIMONIDIS

ODARVM ET RELIQVORVM
POEMATVM

Editionem parantem.

Clarissime vir,

Rostquam rancidos aliquot ver-
sus Albo tuo inscripsissem, tu
me velut opum tuarum prodi-
gus quam plurimis munusculis è littera-
riâ tuâ supellectile depromtis ditasti, &
pariter amicitie tue fores mihi homini
nec litterato, nec tamen litterarum osori
aperuisti. Nunquam certè maiore cum
usurâ versus meos exposui, & fœnerator
hîc magnus sum, qui pro vilibus istis
mercibus, pectus tuum amicissimum lu-
cratus sum. Quanquam verò is non sim,
qui Critices studio ullam mihi laudem
com-

comparaverim, tamen semper illos magni
feci, qui cum istis studijs solidam rerum
cognitionem coniunxere. Nempe uti Ho-
mericus ille Iuppiter providè res huma-
nas letis & tristibus attemperat, ita Mu-
sarum Deus Apollo, modo prodesse, modo
delectare amat. quorum alterum præ-
stant accuratioris litteraturæ studia, al-
terum ipsarum rerum scientia. Vtrumq;
feliciter coniunxisti doctissime Morsi.
Cuius rei testimonia indies luculenta præ-
bes, dum modo utiles, modo iucundos, &
vel solâ novitate gratos doctissimorum
virorum libellos, litteras & commenta-
tiones in lucem edis, quæ tenebris pressæ
nec autoribus gloriam, nec tibi gratiam,
nec lectoribus utilitatem aut oblecta-
tionem scenerare possunt. Nunc verò
dum Editionem paras Odarum & cete-
rorum poematum Simonis Simonidæ,
gratulor communibus studiis, ad quæ ac-
cessio hæc facta est tuâ operâ & studio.
Ego hisce sequentibus versibus tibi hoc
tuum institutum gratulor & commendo.
Vale vir præstantissime & de bonis bene
mereri

mereri perge. E Museo nostro, duod. Ka-
lend. April. Anno M D C XIX.

Tuus

CASPARVS BARLÆVS

Professor Philosophiæ Lug-
duni Batavorum, & Pro-
regens collegij Illustris-
simorum Ordinum.

INusitati carminis novum vatem,
MORSI, reponis, & prioribus seclis
Natum poësin, gestibusq; Græcorum
Saltata metra barbitis Latinorum
Aptata prebes, Pindariq; delapsum
Ceu monte flumen Italum refers lingua.
At nunc poëta falsus esse cepisti
Numerose FLACCE, docta dum tibi Sappho
Non emulandum Pindari melos laudat.
Ruit ecce Simon axe vel sub Arctoo,
Numeris solutis lege, nec tamen ponto
Facti daturus insolentis exemplum.
Erepta laus est Græcia, nec Argivis
Iam sola gressu Musa vadit adverso.
Sequimur Latini, gloriaq; Graiorum
Libamur

Libamus aliquid. Omne quod venit seclū
Prioris umbra est, emulumq; transacti.
Imitamur illud posteri, quod inventum
Prisci dedere. prima cura maiorum est,
Nostrū secunda. Tuque Apollinis mystes
Præclare MORSI, perge sacra doctorum,
Pressosque luci vindicare scriptores.
Gratū Promethei non minis fuit factum,
Quod Solis ignem commodarit his terris,
Quā qui creavit. Laudis est perennātes
Res invenire, sed dedisse maioris.

AD EVNDEM.

Quid obsoletas, Hellas, erigis cristas?
Aures Latine, corq; quid fodis Musæ
Lyrae, superba, laude? surgit en contra,
Opprobriumque vindicans it huc Romæ,
Non ille ab amne Tibridos, nec ex vllis,
Quas sol benigno lumine irrigat, terris,
Sed inde, quo Permessidos sacram lymphæ
Fastidiosi vix tui putent isti
Manasse guttam, à fonte Vistule longè,
Seque in theatrum celsus eruditorum
Fert ingeni fulvis SIMONIDES pennis,
Es

Et voce Dircaum laceffit impune
Cygnum, stupendus orbis illius Phaenix.
O quanta, MORSI, corculum Camænarū,
Politoris arbiterque doctrinae,
Et prome conde; quāta, quos amat Phœbus;
Debemus omnes anxie tue cura,
Quæ profuturum posteris nihil terrā
Sinit sepultum, sæculumq; defendit
Contra vetustatē, SIMONIDENq; ipsum,
Non illi ut impar, huic putetur ingratus?

MART. RVARVS.

Errores operarum.

Pag. 1. lin. 3. lege Ioelis p. 24. l. 8. honores; p.
 25. l. 1. ode 111. l. 11. ode 111. p. 26. l. 3.
 iubar l. 23. alites. p. 27. l. 1. Ode 111. l. 20.
 meta. p. 31. l. 21. cura p. 33. l. 13. Tale p. 36.
 l. 9. Pedem morantem l. 27. frangit p. 37. l.
 10. decus, l. 26. orbi p. 41. l. 5. atque, p. 42. l. 8
 lachrymis sanctissima p. 43. l. 24. instruimur,
 p. 44. l. 2. anteferat. l. 28. Musarumq; p. 46.
 l. 17. pelasgae. l. 20. dabas l. 22. conterere, p.
 47. l. 3. laborem, l. 12. etiam iungo p. 49. l. 11
 beneficii p. 50. l. 1. es l. 20. nonnemo p. 51. l.
 19. provt p. 53. l. 24. mutitationem p. 55. l. 9.
 vestras, l. 25. solatia l. 27. studio p. 56. l. 1.
 seclis, l. 4. versentur l. 15. sibiq; l. 24. nepos au-
 diat p. 57. l. 1. sese p. 58. l. 3. Aspiciat vt ve-
 stris in vultibus omnia figunt l. 14. virtutem
 p. 59. l. 2. Pirithous l. 14. communi l. 23. Die
 p. 61. l. 9. moe, l. 13. habiturum, l. 17. Ceckli-
 nium, p. 63. l. 9. ingenio tuo p. 64. l. 8. qu' p.
 73. l. 21. hominem p. 75. l. 25. concedebatur p.
 76. l. 5. assuesceret p. 79. l. 12. expectat p. 83.
 l. 10. disposuit p. 59. l. 18. petere p. 105. l. 18.
 vellet p. 117. l. 20. dele In, &c.

ELOGIA
SIMONIS SIMO-
NIDÆ

A

CLARISSIMIS VIRIS
SCRIPTA,

IUSTVS LIPSIVS

Cent. v. Miscell. Epistol. LVII.

Literas tuas, & quod libro-
rum adiunctum fuit, nimis
libens legi. illas, ab humani-
tate & affectu mei, quem spirabant;
istos, ab eruditione varia, quam præ-
ferebant. Ego mi Simonide, vt de
affectu dicam, pretium laborum
meorum censeo à talibus amari: id
est, doctis, bonis, quorum inter api-
ces te pono. vt fama mihi non dixe-
rit (quam & hîc habes) vnum illud
carmen tuum in Imagines Zamoschiane
dieta approbet: quod, ita me Deus,
erudi

A

eruditum, antiquum, suave est, & numeros ac phrasim Catulli ac veterum illorum habet. Maeste! spondeo tibi, paucos in Europa (& est ingens poetarum copia, ut apum) paucos, inquam, qui meo quidem sensu sic scribant.

MELETIVS PEGAS

Papa ac Patriarcha Alexandrinus, Constantinopoleos Praeses,

EPISTOLA

AD

IAN. DOVZAM.

HOrum omnium testem atque participem voluit Deus Opt. Max. Georgium filium tuum, cuius nobis adventus consolationem attulit non vulgarem; est enim iuvenis generosæ indolis, nihiloque à Patre te, viro & ingenio & eruditione pereleganti, degeneris; adde
mores

mores candidos, progressusque in
literarum studio non contemnen-
dos, is secum attulerat literas Eru-
ditissimi hominis Simonis Simoni-
dis, quibus iuvenem commenda-
bat: erant hæ altera consolationis
mihi pars, &c.

IANVS DOVZA

NORDOVICI DOMINVS

In Epistola

AD

GEORGIUM FILIVM.

SCias magnam me levamenti
partem eius doloris, quem ex
fratris tui obitu maximum meher-
cule ac gravissimum conceperam,
ex literarum tuarum lectione conse-
quutum. in quibus illud longè ac-
ceptissimum de Interpretis illius
Polonici, natione Armenij, do-
ctrinâ ac virtutibus quod scribis.

A 2

Nescis,

† Nescis, mi fili, quantâ cum animi
 voluptate illam Epistolæ tuæ parti-
 culam ruminaverim, vbi non modo
 tanti viri faventiam vltro tibi obla-
 tam gloriaris ac prædicas: verum
 etiam incomparabilis viri SIMONIS
 SIMONIDIS benevolentia fore iam-
 pridem tibi patefactas, aditum tibi
 porro ad doctissimi illius ac disertif-
 tissimi interpretis amicitiam con-
 cinnasse. Maeste ista industriæ indo-
 le; Maeste tantorum virorum faven-
 tiâ, quam quidem ego pluris æsti-
 mo,

*Quam si me liquidus Fortune rivus
 inaureret.*

Et vero vtrumque meis literis auda-
 cter compellaturus fueram, si per
 negotia Reip. licuisset, ac gratias
 vtriusque nostrum nomine acturus.
 Merito utique ac lubens. Nunc
 cessator esse cogor, ac commodio-
 ri tempori hoc scribendi officium
 reservare, præsertim ad SIMONEM
 SIMONIDEM, quem virum ego
 iam-

iam pridem exscriptis editis AELIOPAE-
 ne. puta, atque odis pindaricis, tum
 Loëlis Paraphrasi illâ Poeticâ multo qua-
 sitissimâ, procul diffitus licet, & ve-
 neratus sum & admiratus. — O exi-
 mium illum & mei stomachi vatem!
 vtrique proinde me tua operâ de
 meliore nota commendari, simul
 apud illustrem Regis Polonici Le-
 gatam, Castellanam dico Halicen-
 sem, me insinuari, atque adeo in
 gratia poni curę habeas velim, &c.

GEORGIVS DOVZA

IN ITINERE SVO CONSTANTIS
 NOPOLITANO

Pag. XIV.

Hic vrbis (de Leopoli loqui-
 tur) plurimum me debere fa-
 teor, quod hîc cum SIMONE, SI-
 MONIDE hospitium & amicitiam
 contrahere licuerit: qui vir quanto
 Orchestrae plausu Parnassi callem in-

stiterit, è scriptis eius editis *AELIOPAEANE* videlicet, & *Casto Iosepho*, tum *Ioelis illâ Paraphrasi* satis superque constare arbitror.

THOMAS SEGHETVS

AD

Virum Amplissimum

GEORGIVM MICHAELEM
LINGELSHEMIUM

Serenissimi Electoris Palatini
Consiliarium,

*Cum ipsi inscriberet duas SIMONIDIS
odas priores.*

DVas hæcæ odas V. A. præstantissimo & amplissimo viro **HENRICO WOTTONIO**, Britanniae Regis ad Venetos legato, communicavit summus vir **PAVLVS VENETVS SERVITA**; amplissimus **WOTTONIVS** mihi. Eas, numquam (quod sciam)

sciam) editas, quod sapere supra hoc sæculum viderentur (adeò quidem vt cum Pindaricis contendere audeam, affirmareque nihil vñquam latinè in hoc genere par visum) publici iuris visum est facere; ne mala aliqua manus in seruitutem vindicaret, & vt viri aliàs quoque celebris memoria conservaretur. Volui autem in tuo nomine apparere, vt grati mei in illum animi significatio aliqua extaret, cuius in me benigni tot exstant monumenta. De alieno liberalis fui, quod frivola mea excipienti nihil te dignum occurrit. Non es autem rogandus vt comiter suscipias, qui primùm visis adeo captus es vt vltro exemplum posceres. Tantum vero abest vt gratiam ipse conciliatum apud te eam præstantissimis versibus, vt contrà mihi ab iisdem auctum iri putem. Tibi debet nostra ætas quod antiquis paria legit; SIMONIDÆ quod antiquitati non invidet. Vale V. A. &

persuade tibi, meritissimo tuo, omnia tibi in me licere. Hanoviae IV
Eid. Ian. c1o 1o c VIII.

SIMONIS SIMO-
NIDÆ

Odx̄ duæ.

THOMÆ ZAMOSCHIO

IOANNIS FILIO,

O D E. I.

S T R O. I.

THOMÆ, tu quidem nunc
Vesceris ævi lenibus auris,
Matris unicus lepor,
Mentem novellam lusibus
Lactans, neque dum sciens
Merores curamq̄ severam,
Ætatis ignorantis letus satis.
Tuus interea sator in-

-victum

victum sponte offerre periculis
 Pectus audet, sanguineam procellam
 Belli arcens patria à sua.

ANTISTRO. I.

Aurea unde terras
 Pax tegat, illi gloria surgat
 Ad plagam volans poli.
 Consuesce iam nunc acribus
 Aurem domitare di-
 ctis, & te tanto genitore
 Dignū incipe gerere. non Deorū tu audias
 Soboles melius patre præ hoc,
 Nec virtutum excelsius olim
 Culmen ascendas, neque letiorem
 Fortuna invenias sinum.

EPOD. I.

Quamvis avorum non tibi originēs
 Cum ipso nomine condite Polono
 Desint, vetustatis propage ab ultima,
 Sed genitor tuus
 Luce tanta se tulit ante cunctos,
 Præstinxe lumina omnium ut
 Credatur, primusq; dedisse
 Exordium stirpi inclyte,
 Mortalium sortem exuperans, propior

Diis, superiū ingenia amulus.
 Age, fili, non tu speculum te ad
 Splendidius potes exigere, (rentis.
 Quā facta attentus servans recolensq; pa-
 Ast pulcherrima rerum,

STRO. II.

Fama quæ modò astris
 AEquat, opaca nocte teguntur
 Mox, iacentq; proruta,
 Ni oblivionis invida
 Nubem memor auferat
 Musa. huius si me quoque suasit
 Arcum vocalem Parca verax tangere:
 Alacer tibi ego ambrosiam hanc
 Defundam non paupere dextra.
 Plenior tu olim ævi animisque maior,
 Splendores releges tuos.

ANTIS. II.

Limpidum per orbem
 Cali oculum si mittere tentem,
 Sole pulchrius nihil
 Venabor in sudo die.
 Regum neque glorias
 Inter, quicquam laude Bathoræ-
 a maius emicat meam circa chelym.
 Columen

Columen fuit ille & apex
 Summus rerum, quo auspice virtus
 Arduum caelo caput efferebat,
 Florebant cata pectora,

EPOD. II.

Ibant feroces vulneribus viri,
 Placebantque sibi hostium cruore.
 Tuus sed omnes inter exstabat pater,
 Dans radios procul:
 Qualis ornus eminet inter ima
 Dumeta. eum sibi unicum
 Rex florem decerpserat, ex quo
 Suos honores neçteret.
 Nec falsus illo praesidio viguit.
 Seu fera munera militi-
 -æ, seu pax iucunda vocabat,
 Ille acies quatere armifono
 Horrore, ille animos legū franare lupatis,
 Blandus, ferreus idem.

STRO. III.

Nomen ad tam amicum
 Regis humum prona venerare
 Fronte. origo maxima
 Vestri ex eo fluxit boni.
 Vestra is decora omnia

*In lucem produxit apertam.
 Ignotus auri lateat incassum nitor,
 Manus artificis nisi so-
 -lers, ereptum carcere caco,
 Divitum mensis, superumq; templis,
 Grato munere dedicet.*

ANTIST. III.

*Viveres saluta-
 -re o iubar, o divine Bathoreu;
 Non Polonia hostium
 Ludus foret. non Dacia
 Quondam tua sat potens,
 Nunc fortuna, (eheu!) pila, supre-
 -mis fluctuaret pressa tempestatibus.
 Spoliata suo veluti
 Navis rectore, equoris omnes
 Fert minas, nudum latus his modo illis
 Aegre saucia cautibus.*

EPOD. III.

*Spiris modo illam immanibus occupat
 Draco ingens, avidè sacrum cruorem
 Pastus tuum, & funesta ricta latè hians.
 Nec satis impete
 Se dedit nostra ad ferus usque regna,
 Gentesque vicinas ruit.*

Haud impune, haud linquet involtam
 Pestem hanc manus Zamoscia,
 Hic hic mihi te, ô die puer, memorem
 Da, quibus ad mala tanta vi-
 -is ventum; ut lapsum similem post
 Cautior effugias, neque tu- (puli ictum.
 -am etatem temere affligas tanti ad sco-
 Mærens vulneris oram

STRO. IV.

Istius retracto.

Nam macula hac infestat amicos,
 Quando desinebat in
 Terris diurnare ille Rex,
 Dacis iuvenem suis
 Rectorem linquebat, ut ævum
 Positus tamen sub optimis tutoribus
 Ageret, melior quoad æ-
 -tas maturis surgeret annis.
 Quandiūq; istis stetit institutis,
 Pulchre Dacica res stetit.

ANTIS. IV.

Sed reiecta postquam
 Imperia, excussūq; senile
 Est iugum, & licentia
 Permissa percussoribus



14 SIM. SIMONIDÆ

*Ferri: subito in bonos
 Custodes desæviit ensis. (malis.
 Hæc porta (prò nefas!) data est tetrīs
 Velut aggeribus maria.
 Ruptis, terras impete pleno
 Occupant, lætosque boum labores
 Vastis gurgitibus ferient.*

EPOD. IV.

*O quisquis istis consiliis modum
 Præcinis, nimis ah nimis cruentum,
 Non sentis in tuum recasura hæc caput?
 Iustitiæ vigil
 Cuncta figit longè oculus, suisq;
 Apprendit ansis noxios.
 Dum sanctis deslectere quæris
 Fluxam iuventam moribus,
 Exoticis dumq; atteris opprobriis,
 Forte tibi ut pateat via
 Languentis vitam per inertem
 Tutior, ad saturandum animum
 Seu dulcedine prædæ, sceptri sive rapina.
 Idem vulnificus te*

STRO. V.

*Ensis abstulit. te-
 cum cecidit lectissimus una*

Flos virum, patres boni,
 Fulmenta Dacia ultima,
 Hausti exitio aspero.
 Nam quis tum non credidit omnes
 Nervos ruentis amputatos Dacia?
 Iterumq; iterumq; tuam
 Appello blanda venia aurem,
 O mei regis genus, o Bathoreis.
 Vtcunque impia funera

ANTIS. V.

Excitata sunt abs
 Te, tamen immunem fuerat par
 Cedis atque sanguinis
 Servare fraterni manum.
 Hoc fonte tibi malo-
 rum venere examina dira,
 Facemq; Tisiphone adfuit quassans nigra,
 Tua quae furis premeret
 Fata infestis, stare loco nec
 Aut pati tutam sineret quietem.
 Nam quisquis relegat tuae

EPOD. V.

Vite tot Euripos, tot inania
 Momenta, exilique cursum iniqui,
 Rerumq; caeptarum refluxus irritos;
 Dispicias

Dispiciat liqui-
 -do flagelli ultoris eam esse labem.
 Tu Marte quamvis ferreo
 Par primis victoribus ires,
 Regumq; te alta affinitas
 Bearet, istis præsiidiis tamen ad
 Exitia usus es ultima,
 Pænè ad vana insomnia felix.
 Nunc tibi vix misera superest
 Libera sola fuga latebra, obscuri q; recessus.
 Dii recto pede fortu-

STRO. VI.

-nam tuam reponant,
 Et placidi tandem aspiciant te.
 Nec tibi ô sacrum caput
 O debite altioribus
 Orsis iuvenis, suo
 Quem Roma insignem colit ostro,
 Tractare clavum Dacia ingratis datum.
 Lacrimis oneror memorans,
 Quam te indigna morte peremptum
 Prædo periurus rapidè involavit.
 Quod monstrum prius execrer?

ANTIS. VI.

An dolos quibus te

Perculit

Perculit impurus veterator,
 Prodeditque victimam
 Innoxiam inimiti lupo?
 An Punica iussa pel-
 laciis, nexu regna vorantis
 Vicinia? an tuis peristi animis volens?
 Potiora minoribus au-
 sus mutare, & quæ nihil ad te
 Attinent, aris melior sacerdos,
 Quàm regum solii capax.

E P O D. VI.

Portum senectæ sit mihi tangere
 Illesa rate. naufragam iuventam
 Turbo protervus vexat insano mari.
 Nec sapere advenit,
 Post nisi exhaustis varia procella,
 Ille optimos cursus tulit,
 Aetatis per lubrica qui se
 Duci manu admisit senum,
 Modumq; fidis consiliis tenuit.
 Dicit puer, (tibi nam labor
 Hic sumptus) te mens mea querit.
 Te licet & genus & genitor, (suprema,
 Et gazæ, & decorent rerum incrementa
 Nec felicior olim

STRO. VII.

Te sit vnico alter :
Poscere nil præstantius a Diis
Hanc tamen potes vicem.
Mortalium vt germen sumus,
Cunctis subeunda lex
Fati, serò vt patre carendum
Contingat hoc tibi, nec viros inter nisi
Positum senii ipse satur
Linquat, tuto & collocet ævo.
Iam tibi letis spoliis onustus
Vltus perfida nomina

ANTIS. VII.

Advenit, tibi ista
Præmia, mansuros tibi honores
Congerens. viden' virum
Quantus præit fame sonor!
Visas acies fugax,
Ille olim atrox non tulit hostis,
Alienaq; affectans, suis agrè excidit.
Avidam cohibere sitim,
Et mensuram noscere habendi, (vmbra
Magno opus dignum Hercule. sepe dum
Maiores inhiat procax

EPOD. VII.

Fames, dolosis ingemuit cibus,
 Et mala crepuit patens inani.
 Sed tecta coniugemq; caram prorsus ve
 Nullo adit ambitu?
 Ut Deum supplex veneratur aras?
 Accepta dona illi ferens,
 Incertum mansuetior an for-
 -tior. Secudent perpetim
 Quicumq; Divi te sibi conciliant.
 O iubar, o columen meum,
 O lux sola, invicte Samosci
 Te te ego saepe bona cumulans
 Affabor laude, & natis Helicone corollis
 Cingam tempora amica.

GEORGIO ZAMOSCIO

EPISCOPO CHELMENSI.

ODE II.

STRO. I.

Age grex sacer, mystæ inclyti,
 Quorum muneris est, Dei
 Aurem carmine blando

Mulcere, & aeternam domum
 Enthea insonare voce:
 Adeste, atque fidei meæ
 Servate nunc lenem modum,
 Dum novus ingreditur sacerdos
 Tempa hæc, sacrum ut gestet tiara decus,
 Arisq; eam præsit per oram.

ANTIS. I.

Amore nam pectus meum
 Fixit gente Samoscia
 Cretus, cui ego totum
 Me æbeo admissus cliens.
 Solis igneos nitores
 Non est nubibus invidis
 Extinguere. nec olim aurea
 Musa, suis meditata in antris,
 Quicquid venustum protulit in diem,
 Spernit vel hæc vel altera ætas.

EPOD. I.

Laude virtus se æstimat, & beatos
 Ponit inter, hoc breve
 Damnum ævi inde rependens,
 Si qui interim vir prodiit
 Gestans honores conspicuos lyra,
 Paucissimum quale est genus,

Ut pon-

Ut pondus huius nominis impleat,
 O dii quam tamen adibus
 Raris amicè admittitur,
 Omnes dum abuti illum experunt,
 Gratis algeat ut tamen

STRO. II.

Contemptibus frustra improbis
 Attritus. mihi pestis hæc
 Non illuxerit unquam,
 Samosciam ingresso domum:
 Quæ modo unicus patet por-
 -tus virtutibus (heu nefas!)
 Passis repulsam sordidam.
 Sub numerum haut veniant arena
 Quæ latè apricis littoribus iacent;
 Nec quot viros laude eminentes

ANTIS. II.

Summa educat Samoscium
 Splendor sit facile exequi.
 Hac Mavortia corda
 Producta venere ex manu,
 Artibus quoque imperandi
 Instructissima nomina.
 Hinc & senati fulgurant
 Culmina, consiliis adultè

Patres: sacrorum hinc alma seges virum,
Antistites templis verendi.

EPOD. II.

Vestra nunc pars emicat o meam cui
Latus adfero chelyn,
Felix sorte Georgi:
De gente quamlibet tua
Non primus istam tu teris orbitam.
Prævit hoc vestigium
Vel nuper, exactam Gomolinius
Insistens pietatis at-
-que sanctimonia viam.
Vel ante cascis seculis,
Sanguis vester ut evolat

STRO. III.

Procul vetusta origine.
Multi consimilem gradum
Insignes tenuere.
Sed ista maiestas sacri
Liminis, lacunar atq; hoc,
Castum qua inferimus pedem,
Vellit mihi aurem & submonet,
Quandoquidem pietas Samosci
Divi hisce THOME nomen honoribus
Nactum esse iussit, & sacravit

ANTIS. II.

Splendoris admirandi opus :
 Thomæ præsulis ut meo
 Surgat gloria cantu.
 Qui sanguinis vestri fuit
 Germen, usq; tamen remoto
 AEvo, quando Poloniæ
 Pars Slessæ Bresla crevit
 Teutonicas modo quæ inter urbes
 Avulsa nostris stat regionibus
 Adiuncta, tum superbiit pa-

EPOD. II.

-store tanto. nunc etiam revolvit
 Famam honore candido,
 Et charta celebri ornat.
 Fuisse nobilem artium,
 Fuisse fluxos frangere qui asperis
 Mores lupatis arduus
 Calleret, indignantia odia immemor,
 Virtutem acer ad unicum,
 Ire obviam raptoribus
 Acer lupis, nec ultimam
 AErumnam impiger aggredi,

STRO. IV.

Vel usque carcerem ad tetrum.

Tantum excefferat impius
 Hostis tristibus iris,
 Ut raptum ab aris optimum
 Traderet senem in catenas,
 Fædisque acciperet modis.
 Per arduum callem vie
 Tendere ad emeritos honores
 Samoscium est. exercita post tamen
 Fortuna per verum laborem

ANTIS. IV.

Fixo manet constans pede.
 Quondam hac sorte atavi vigent
 Profecti, neque fatum
 Mutavit in nepotibus.
 Nonnihil beatius te
 Auxit, muneribus datis,
 Sudore partis (Gratia
 Non fugiunt animum tuum, nec
 Sumes superbus que tibi fas vetat)
 Sudore partis eius, in quem

EPOD. IV.

Tota nunc moles patriæ recumbit,
 Publicæq; onus rei.
 Durus tu tamen urge,
 Et te exige ultro ad aspera.

*Iustum & laborem premia post cape ;
 Ne te extulisse vel pudor
 Obrepat illi qui sibi debita
 In te munera contulit ;
 Fortuna vel mutet fidem ;
 Quam continere equo gradu
 Olim grandius est opus.*

THOMÆ ZAMOSCIO

CAPITANEO KNISINENSI

ODE

STROP. I.

Musa, veritatis aruum
 Recto sulco frondere par est ;
 Precipue iuvenilem apud aurem,
 Quam blandiens susurrus è mentis statu,
 Perniciem trahit in pudendam,
 Amore sauciam sui,
 Fallacibus preconiis inescatam.
 Tu committere noli,
 Mendaciorum ut nos temere arguat
 Vlla etas, speculo que velut in nitido
 Olim reddit conspicuas facies

Dictorum ineptè aut naviter.

ANTIS. I.

*Solis at inbar, per amplum
 AEquor cæli, lampade aperta,
 Flammi vomum radium iaculantis,
 Rectis oculus obtutibus non suscipit,
 Ignibus ex nimis tenebras
 Et cæcitatem quin trahat.
 Imaginum quod levitas, vel undarum
 Splendor temperat apertè,
 Benigniore[m] visibus exhibens
 Vim flammae, & reprimens oppositis veluti
 Lentis umbris, aspicere ut liceat
 Solis facem pulcherrimam.*

EPOD. II.

*Tu quoque, o vitæ inbar, o supremum
 Sidus, inclita veritas,
 Blandius insinuas capacem
 Aurem tui, velo super
 Condita, dulcè agitans intus amaxitiam.
 Qui tuos vultus ferat irretorta
 Lumine, hunc fabor superare longè
 Promas fulminis alites
 Vitabo ego procacem,
 Odii creatricem, insolentiam linguae,*

Quum

Quum me cupido flexanima impulit
 Affari unicum alumnum, (latro
 Tentantem primam pennam proferre vo-
 Insolito, & inde erumpere carceribus

STRO. II.

Gestientem aperta vitæ
 In spacia, ingentesque recessus.
 Magnanimi soboles genitoris,
 Qui portam Olympi contigit virtutibus
 Intrepidis, patriæ parentis
 Nomen potitus arduum,
 Te Thoma, te fili optime, optimo voto
 Fidus prosequar augur;
 Vestigium si ponere in orbitam
 Contendas patriam, culminaq; illius ap-
 prendas laudum; non labor Herculeas
 Ultra columnas tendere

ANTIS. II.

Sit tibi suprema meta
 Hæc utinam conatibus olim
 Ritè tuis se præbeat æquam.
 Nec vana spes nos fascinat, pulchris super
 Principiis, quibus indolem sci-
 -tè perpolivisti tuam.
 Fundamine hoc iactò, nihil caducum, ni-
 -hil

Nil structurum humili orsu,
 Quin editurum splendida nominis
 Sacrarum & virtutum decora omnigena.
 Quum nec parte ista tibi provida mens
 Cari parentis defuit.

EPOD. II.

Qui licet fatis raperetur, & te
 Orbitatis in aspero
 Linqueret, ancipitiq; lapsu:
 AEtatulam tamen tuam,
 Et studiis, & rectoribus applicuit
 Sedula cura tibi comparatis,
 Qui manum fidā ad genus omne splendo-
 rum nossent tibi porgere,
 Nec tu sequax bonis tu-
 -is defuisti; quin labore perstante
 Ad templa doctrine ardua veetus es;
 Culturamq; iuventae
 Musarū in gremio posuisti; strenuus idem
 Fingere te duri Martis ad arbitrium.

STRO. III.

Quod satū venit benigno
 Naturae, aut divinitus haustum est,
 Hoc regnat, longeq; relinquit
 Artes minores anxia solertia.

Sed neque vitigenus latex, nec
 Fecunda frugibus sola,
 Sine adiuvante germinant ope externa.
 Sic coniurat amice
 Manusq; nostræ debita navitas,
 Nativog; ortu copia luxurians,
 Connexa ut vinclo vigeant gemino
 Humana cum caelestibus.

ANTIST. III.

Herculis nec alta virtus
 Ex Iove quamvis creta parente
 Aetherea se ab origine iactat,
 Citra magistri se extulit peritiam:
 Quin ferula puer ille pressam
 Subduxit usq; dexteram:
 Linumq; doctorem modestus expavit
 Formantem arte severa
 Os, atq; sensus pectoris igneos,
 Et modo frangentem freno animū rigido,
 Lora interdum liberiora habili
 Dantem lupato: quo ferox

EPOD. III.

Suesceret iussus domitari amicis,
 Seque blandior orbitam
 Mittere cogeret in patentem.

Simul

Simul nec Eumolpi manus
 Nec moduli citharæ, nec lyra grandisona
 Defuit, motus solita impotentes
 Sistere, & mentem reparare amœnam.
 Cessavit neque roboris
 Cura interim, nec acre
 Mavortis imperterriti rudimentum.
 Fallente longe certus arundine,
 Quodq; excelleret arcu (artus
 Latifero, Eurito didicit monstrante; quod
 Intrepidus luëtæ, castibus & latera

STRO. IV.

Expedita non negaret,
 Torvo ex Harpalice impiger hausit;
 Indomitos agitare iugales
 Amphitruonis patrius docuit amor.
 Nec puduit residem senectam
 Nati iuventæ impendere;
 Dudumq; lento sordidos situm currus
 Prompto extergere ludo.
 Quis nescit armis Castora maximum?
 Sive hostem ferro sternere, sive dolo,
 Seu structas exponere campo acies,
 Seu tuta castra condere,

ANTIST. IV.

Aut vastram fugam aucupari
 Militiæ anceps posceret usus.
 Idem eques, idem comminus hasta
 Ire bonus radiante vultu,
 Ensemq; fulminare mistis stragibus,
 Ictusq; scuto fallere.
 Tunc sors iniqua patrio solo extorrem,
 Opportuna sed armis
 Alcida, ab Apo vexerat inclita;
 Ut præsto esset, qui talia munia con-
 ferret diuinum in iuuenem, & teneram
 Duraret asper indolem.

EPOD. IV.

Qualis herbose riguæ refectus
 Ripæ margine flos nitet,
 Quem radio recreat benigno
 Sol almus, & rore educat,
 Aurisq; aspirant egelidis Zephyri,
 Curæ nec deest sollicita puella
 In dies cultricem operam afferentis.
 Sic per congrua splendida
 AEtatis incitamen- (gem.
 -ta inuictus olim Heros migrabat ad fru-
 Matura sed cum flore genam novo
 Puber-

Pubertas redimibat, (hiberi,
 Ardua nec poterat patrio lare mens co-
 Versabatq; animum præcipiti stimulo

STRO. V.

Gloriæ recens cupido;
 Tunc sonipes veluti satis alta
 Ad præsepia passus herile
 Imperium, strigilimque acutam,
 Duellicæ si se tubæ raucus sonus
 Latè extulit, iam nec pede
 Constare tranquillo, nec aure non mora,
 Nec vinclis retineri

Quit amplius; quin pulsat identidem
 Auras hinnitu clarisono, & præperos
 Spernit custodes, lacera impiacibus
 Repagula extra provolans.

ANTIS. V.

Sic domo gradum efferebat
 Alcide ardor, mox tenero ungui
 Obvia monstra avidus domitare,
 Latum animo immodico capessens
 Orbem. pavoris tum senex Lianus, simul-
 -que plenus excelsæ spei,
 Suspensa volvens gaudia anxio corde,
 Sic affatus alumnium

Sermone fertur candidus aureo.
 Fili, dum patrio limine te acceleras
 Efferre, & vita equor in ambiguum
 Infueta tendis lintea;

E P O D. V.

Accipe hæc nostri monumenta amoris.
 Limen hoc, pede quod teris,
 Quodq; relinquere gestis, omnem
 Ad vitam habet primarium
 Momentum; qualem te facie aspicien-
 -dum dabis prima, reliquos in annos,
 Tali te ævi iudicium sequetur.
 Pulchrum splendida frons opus
 Insignit, atq; honorem
 Diffundit in totius adyta structura?
 Proinde partes verte oculum vigil
 In cunctas, tibiq; instes (eptam,
 Attentus censor, nequid leve, ne quid in-
 Ne quid committas ludibrio expositum.

S T R O. VI.

Quum latus tuum tegebat
 Nostra cohors, nunquam monitoris
 Fidi tanta voce carebas.
 Nunc mare velivolum petit tu-
 a navis, excipienda tempestatibus,

C

Et tur-

Et turbinum vasto agmine, (illuc,
 Trahetq; te discors modo huc, modo aura
 Fallentq; ipsa gubernata.
 Nec saxa decerunt perfida, nec latens
 Sub caco scopulus marmore, littoraq;
 Fraudem intendent obvia; saepe etiam
 Tranquillitas blanda obruet.

ANTIS. VI.

At tibi cavenda nulla
 Tantopere est rapidissima Syrtis,
 Nulla navifrago ore Charybdes,
 Quantum animi malesana labes,
 Procax voluptas. haec veneno te suo
 Si laeserit; non amplius
 Vllam salutis spem potes tibi optare:
 Quin inglorius ævum
 Turpe supinus desidia inquinens,
 Vivasq; obscænum mancipium, neq; te
 Vel nomen, vel per celebres tituli
 Exemerint opprobrio,

EPOD. VI.

Ne pudor prostes, populiq; sanna.
 Huic propinquior altera
 Nec levior studiis nocenda
 Vitanda erit pestis tibi,

Blandus

Blandus adulator, nomine amicitiae
 Splendidum fallens, scelerum magister
 Vnicus, fraudum calidus repertor:
 Quem sanctissima veritas
 Solum disertim abhorret,
 Virtusq; torvo spernit execrans vultu,
 Et fida amicum turba fugit procul.
 At dispendia rerum,
 Labentesq; domos, fortunarumq; ruinae,
 Sumptusque immodici, pravaq; luxuries,

STRO. VII.

Ponéque imminens egestas,
 Non dubio passu comitantur.
 Nec te decipiat nimium tu-
 -i precium; licet examussim
 Industriae felicibus praestes bonis,
 Nostraque cura creveris (quivis,
 Tam pulchre, ut anteire te haud queat
 Seu fandi expetat usum,
 Seu expeditam res sapientiam.
 Nec simulacra istae militiae genita
 Inter lusus, & studia artificum,
 In angulo atque umbra domus,

ANTIST. VII.

Spiritus tibi superbos

Suppeditent; ut protinus audax
 Mittas te in temeraria damna.
 Multa prius capias oportet
 Ipsa ex arena, multa discas admoventis
 Manum, & scientes consulas,
 Credasque demum te peritiae experta;
 Festinansq; retentes
 Pedemque morantem; nec simul omnia
 Coneris; neque vota aspera precipites;
 Nec rumorum frigida nomina se-
 -cteris, salute præ rata.

EPOD. VII.

Qui sibi dux esse vie irrepressus
 Possit, hunc ego Diis parem,
 Nec genere ex hominum putabo.
 Mortalium sors mutuo
 Alternæque vicis nititur auxilio.
 Ille ter felix, meliore qui se
 Parte tutatur, neque vana vulgi
 Ad consortia convolat:
 In putridum neque incli-
 -nat parietem, lapsu obruendus alieno.
 Ducem leonem damæ etiam timi-
 -di acri ardore sequuntur.
 Futilis at ductor vastorum corda leonum
 Frangit

Frangit, & in fœdum deiicit exitium.

STRO. VIII.

*Tu viris ubique adhere
Fortibus, exemplamque modumque
Ex illorum laude capeſſe,
Et ſequere impete pertinaci.
Laboribus, periculisque ſtrenua
Virtus emi deſiderat,
Nec gloria impertit decus niſi exauſta
Poſt certamina mille,
Omniſque mollis reſpuit otii
Languorem, ſemper conſpicua egregio
Sudore, inſtans ſemper ubique ſibi,
Nec larga ſomni, non cibi,*

ANTIS. VIII.

*Vulnerum neque abſtinens: quin
Ipsam gaudens ſpernere mortem.
Iam mihi lato in pectore geſtit
Mens avida, & cythara loquaces
Chordas retractat, laudibus ſeſe tuis
Olim ſonoram comparans.
Iam te tuor pulcherrimo cruore auctam,
Monſtrorum domitorem,
Pacem ferentem, atque aurea ſecula
Orbe pacato; iam facies ſclerum*

*Diræ absistunt; iam mala diffugiunt
Discordiarum turbina.*

EPOD. VIII.

*O mihi tantum senii supersint
Non brevissima stamina;
Ut satiare oculos tuorum
Satiare factorum queam.
Tum me nec turbet funeris atra dies,
Dulce nec solis iubar hoc moretur,
Letus ad metas veniam sepulchri,
Fameq; hi digiti tuæ,
Voxque immori haud recusa-
bit. Hæc profatus Linus ore cygneo,
Manante largo sollicita gena
Fletu, non sine mistis (alumnorum,
Letitiæ auguriis, cupidum emittebat
Amplexuq; hæres, multa etiam atq; etiam*

STRO. IX.

*Submonebat, & senilem
Anceps solabatur amorem.
Nec mihi sit, iucunde Zamosci,
Deterior senii receptus,
Ut conquiescam olim in tuis virtutibus,
Fatique tangam terminos,
Laudum tuarum, atque inçlyta satur fame.
Sentis?*

Sentis? quanta vocat te
 Procella rerum? quo tonitru ruat
 Horrida tempestas? non tibi sese aperit
 Primæ frontis vestibulum facile;
 Sed ultimo discrimine

ANTIS. IX.

Patriæ involuta damna,
 Vim rigidam induere, atque salutem
 Duris suadent querere in armis.
 Concipe iamiam animo virilam
 Fidentiam; et atemque te supra exere.
 Periculum ingens negligit
 Evolvere annorum propagines longas.
 Hortatu obvia quæque
 Non differendo nomina convocat.
 Nec parcit iuvenum pectoribus teneris,
 Nec fortunæ purpureas refugit
 Sedes, superbam vel domum.

EPOD. IX.

Nunc ferox iam te sompes parata
 Sublimen accipit aureo
 Stare loco inscius, & lupatum
 Labro remordens. aſt ego
 Cū cytharâ & votis te ſequor, atq; viam
 Flore Muſæo tibi ſterno, ſoles

4^o SIM. SIMONIDÆ

*Candidos illos cupidus videre,
Qui te, tum mihi sospitem
Reddent, adorca auctum
Pulchra duelli, fortibus vigentem ausis.
O dii, Polonæ cura quibus rei
Permissa, o prohibete (ruinas,
Æternum opprobrium, tristesq; arcete
Et pacem nostris reddite temporibus.*

ILLVSTRI VIRO,

STANISLAO COMI-
TI DE TARNOVV, CA-
STELLANO SENDO-
MIRIENSI, BVSCEN-
SI CAPITANEO.

CASPAR SOLCIVS S.D.

SIMON SIMONIDES avunculus
meus, pro debita pietate, erga
Heram suam, Barbaram de Tarnovv,
& morti eius interfuit, & funus car-
mine prosequutus est. Id quoniam
nondum in manus hominum per-
venit, iniuriam fieri puto, immor-
talitate

talitate dignissimis virtutibus , & memoria tantæ Heroïnæ. Est quidem Simonides , vel modestior, vel negligentior scriptorum suorum æstimator , atque vt ita dicam , scit parere , nescit partum tollere. In hoc carmine ferre eius mores non potui ; & , vel illo invito, edendum duxi. Credo optimis iudicijs , elegantiam suam æternitati approbabit. Tibi verò Illustris Heros , illud offero ; tibi enim præcipuè debetur ; qui talem filiam & produxeris , & amiseris ; vt hinc, vel dolorem, si quis adhuc ex morte illius residet , abstergas ; vel lætitiã , quam ex eius sanctissimis moribus semper percepisti , cumulatiorem referas. Bene vale Illustris Heros , & me inter clientes tuos repone.

MANES
BARBARÆ
DE TARNOVV,

AD
THOMAM DE ZAMO-
SCIO,

FILIVM VNICVM.

Non lachrymis, neq; enim lachrymis, sana
Etissima vita
Digna mea est, cineres excipe, nate,
meos.

Nève tuum luctu crucia miserabile pectus.
Nam miserum causa non decet esse. mea.
Ipsa ego iam cœli regionibus alta capesso
Otia, letitiisq; omnibus ingredior,
Diviniq; fovet piame iudulgentia amoris,
Et niteo, qualis lucida stella nitet.
Hoc merui. meruit potius, qui totius orbis
Sive sator dici, sive redemptor amat.
Illum ego perpetuo, dum vixi, sedula honore
Percolui; cultu nunc fruor vsque meo.
Ætereasq; domos habito, cœlestia regna,
Et potior vultu, luminibusq; Dei.

Quo

Quo nil limpidius, quo nil felicius vsquam est.

Mortales sensus quod procul exuperat.

Nec sat mente potest, nec visibus vsurpari,

Tale ævum lenis cælo agitat pietas.

Nec tu singe tibi quicquam lacrimabile de me,

Nec tetricas curas, concipe corde tuo.

Quin potius, studioq; pio, vultuq; sereno

Prosequere, & fatis linguâ animoq; fave.

Atque mei similem factis te equalibus opta,

Condignasq; istas redde mihi exequias.

Sed non plura tibi de me. Sat femina laudi,

Sat famæ debet, si qua silere potest.

Me pietas, me religio, me candida mentis

Simplicitas, Divûm me timor ingenuus

Commendet, tibiq; exemplo proponat amico,

Hac mihi te similem parte vigere a veo.

Cætera de Genitoro tuo, fortissima facta,

Et vitæ illustrem percipies modulum.)

Pæne mihi falli dicto evenit, ante Parentem,

Quod pietate mea me tibi proposui.

Ille quasi inferior præ me langueret in illa,

Dictum hoc est à me femineo ingenio.

Virtutum quoniam nobis angustior vsus

Constat; vix vna si satis instruiur.

Hæc solū primā, hæc summā superare putamus,

Querimus hac aliis posse præire viam.

Vt iactabundas etiam contingat haberi,

Et velle insignes equiparare viros.

Sed meliore viros ditavit copia cultu,
 Frustra illis sexus se minor anteferat
 Nec tu tam nostris avidos, dulcissime fili,
 Quàm desige oculos patris imaginibus.
 Ille tibi exemplar virtutum, ille vnicus autor,
 Duxq; sit eximius, normaq; perpetua.
 Seu pietatis amor, cælo te asuescere mentem
 Poscet, sola Patris prævia sit pietas.
 Non illo quisquã gravior, dum accedere Divos
 Iret, non ficta religione soleas.
 Factaq;, lucentemq; animum, tendebat Olympo,
 Innocuã sperans mente placere Deo,
 Plus, quàm dictorum fucis, specieq; reficta,
 Et vultu qui se venditat esse probum.
 Quanquã illum terræ non rarò affligere corpus,
 Vidimus, & nudo sternere membra solo,
 Dum se humilẽ querit summo posuisse Tonanti,
 Et servum se eius proiicit ante pedes,
 Nil memor illustres titulos, nil splendida gesta,
 Nil aurum, & vitæ somnia, divitias,
 Cuncta ferens accepta Deo, pronissimus illi,
 Illi aptus toto corpore, tota anima.
 Quid referã sumptus, quos largè effudit honorè
 Divino, grato pectore munificus.
 Testantur moles templorum, atq; ardua tecta,
 Testantur templis addita tot decora,
 Totq; sacerdotum lectissima complementa,
 Musarum domus divite dote fate.

Ut mihi

Ut mihi nonnullus veniat pudor; omnia cælo
 Dum videam nostri facta manere viri.
 Nec morte illius stingui; quin vsque vigere,
 Usque novis semper crescere germinibus.
 Nostra autem, quamvis studio composita fidelis,
 Quamvis non sumptus indiga, non opera,
 Tantisper mansere, quoad mihi vita manebat.
 Mortua dum silui, consiluire simul.
 Præmia digna tamen, cælo gratante recepti,
 Fama non potui posthuma ferre bona.
 Nempe hoc femineæ non est opis; inclyta rerum
 Vitturo monumenta edere cum genio.
 Quare age, ne Patris exemplis, dulcissime fili,
 Vsquam te amoveas, nec meliora petas.
 Imprimis pietatem eius, superumq; timorem
 Exequere, hinc eius cuncta reposce bona.
 Hinc illi pleno locuples opulentia cornu
 Manavit, rerumq; aurea prosperitas.
 Hinc animi, victrixq; manus, magniq; triumphus,
 Hinc splendor toto nominis orbe volans,
 Ut patriæ pater audiret, columenq; Senatus,
 Ut fulmen belli, ut præsidium populi.
 Et Regum præfulciret nutantia sceptrâ,
 Corculum ut illorum delictumq; foret.
 Non alio sese sapientia pectore fudit
 Vberius, non fors optima consiliis.
 Non studium rebus semper conforme iuvandis,
 Sive forent certæ, sive forent dubiæ.

Ut Regni oraclum floretet, & anchora tuta,
 Cælo deveniunt tanta favente bona.
 Nunc etiam (sed fata vetant, arcana polorum
 Prodere) nunc etiam maximus inter eos,
 Heroûm qui altis virtutibus enituere,
 Inter eos cælo maximus aspicitur,
 Divinæ fulgorem maiestatis adorans,
 Sidereæq; augens agmina militiæ.
 Te quoque nunc spectari ab eo, curamq; iuventutis
 Indulgere tuæ, sit tibi certa fides. (est,
 Et meminisse potes, sed enim meminisse necesse
 Quam conformando sedulus in puero
 Te fuerat, non tam patris, quam penè magistri,
 Custodumq; omnes exuperans operas.
 Non tecum lallare, aut balbutire pudebat,
 Non tenerum os primis fingere litterulis.
 Ast ubi iam vocis latine, vocisq; pelasgæ,
 Audebas primas promere primitias,
 O illi quantum solamen, gaudia quanta,
 Quanta voluptatis signa repente dabat.
 Tecum commemini plenæ letissimamensæ
 Tempora, tecum vitæ otia conterere.
 Et tecum garrere aliquid, semperq; monere,
 Actatē quod & hanc, quodq; aliam instrueret.
 Tantum ille insignē Musis tribuebat honorem,
 Post Divos illas præcipuè ut coleret.
 Et solas commendaret, solasq; vocaret
 Ornamenta sua, & delicias animi.

His solis crevisse, his enituisse magistris,
 Sæpè fatebatur, teque rogabat idem
 Sentire, atque illis iustum præbere laborem,
 Nec vitæ spatium ponere de manibus.
 Fac præcepta Patris memori sub corde recondas,
 Præceptis parere, hoc coluisse Patrem est.
 Et bene habet. celso quoties despectat Olympo,
 Doctorum inque choro te videt esse virum.
 Grataturq; tibi, secumq; volutat opimas
 Spes, spondens fore te mox sibi consimilem.
 Fallere non debes iustissima vota Parentis,
 Quæis materna etiam, iungo ego vota mea.
 Iamq; vale, eternumq; vale, dulcissime fili,
 Sisq; memor Matris, sis Patris atq; memor.

EPITAFIUM

EPITAPHIVM.

BARBARA DE TARNOW

IOANNIS DE ZAMOSCIO RE-
GNI POLONIÆ CANCEL-
LARIJ ET EXERCI-
TVVM SVPREMI
PRÆFECTI

CONIVNX.

IN CONIVGIO LENISSIMA
MODESTISSIMA

VIRI ET SOBOLIS AMAN-
TISSIMA.

POST CONIVGIUM AD SANCTI-
TATIS MIRACVLVM RELI-
GIOSISSIMA.

IN IPSO ÆTATIS ET FORMÆ
FLORE VIDVA CONSTAN-
TISSIMA.

AD VITAM ÆTERNAM CVIVS
TERAT CVPIDISSIMA
MIGRAVIT.

ANNO CHRISTI M. DC. X.
XXVII. APRIL.

*Esto memor Matris Thoma dulcissime fili,
Sis similis Patri. Fortia facta cole.*

SIMON

SIMON SIMONIDES
 THOMAE SEGHE TO
 BRITANNO S. D.

SVavitatis tuæ aculeum mihi reli-
 quisti, atque id moribus tuis ad
 omnem humanitatem natis. Liben-
 ter enim regustare soleo consuetu-
 dinem illam, quâ tecum Samoscij
 usus sum. Nam opera, quam in
 Musâ meâ illustranda posuisti, ma-
 gni beneficij instar est, vt tibi du-
 plici nomine obstrictissimus sim, &
 amicitia, & gratitudinis. Sed qui
 fit, mi Seghete, vt de te & à te ni-
 hil habeam? An tu ex nostris regio-
 nibus pedem extulisti? an alicubi in
 solo loco hæfisti! vbi, de nobis nihil
 audias, nihil requiras. Vbi vbi es,
 ego tetamen requiro & vestigo. Lu-
 culentius ad te scribam, quum didi-
 cero, quo loci te collocaveris. Nunc
 chartæ huius iacturam facio: etiam
 garminis, quod ad te mitto: siqui-

D

dem

dem genus hoc visus es amplecti.
Bene vale. Cernenani. Anno 1612.
Decemb. 10.

SIMON SIMONIDES

THOMAE SEGETHO BRI-
TANNO S. D.

SEro tuis respondeo : factum
hoc perpetuis occupationibus
meis , quibus haestenus distinebar ;
tum itineribus , ex quibus nunc de-
mum hos aliquot dies respiro. Pro-
ieceram me in quasdam prensatio-
nes: atque, vt verius dicam, in pro-
curationem otij: nempe vt post tan-
tam iacturam ætatis , quam in aula
feceram, tandem aliquando mihi me
restituerem, & totum Musis me da-
rem. Itaque dum ex istis senticetis
extricor, prensandus , adeundus, ex-
orandus fuit non nemo. Videor
non lusisse operam , & iamiam in
portu constitutum me existimo.

Quam-

Quanquam mihi ætas ingravescens
 iam pridem incubuerit: sexagesimum
 enim annum prope attigimus: ta-
 men benignitate Deum nec valetu-
 dine improspera utimur, nec viribus
 usquequaque deficimus: vigorem
 insuper animi eum sentimus, ut ἀ-
 μην sive ingenij sive industriæ hanc
 mihi nunc demum affulsisse facile
 intelligam, nec dum laboris aut stu-
 dij diminutiunculam ullam experi-
 mur, quia incredibili quodam ar-
 dore & temporis parsimoniam exer-
 cemus, & in libris propè perenna-
 mus. Laudatiunculã hanc mei ideo
 apud te effutio: primum quia in si-
 nu amicissimi hominis: deinde ut
 gaudeas, quod ita vitæ meæ ratio-
 nes subducendas sategerim, pro ut
 tu me plenissima boni effectus epi-
 stola sive hortari, sive monere, sive
 exorare visus es. Laudibus tuis,
 quas in me ὅλω τῶ θυλάκιω effundis,
 plane erubui & pressi conscientio-
 lam meam: immo ut ille in orche-

strâ fortis equus , quanquam senio
 confectus arrexī ὄρον ἔς & audeo
 sperare , expectationi tuæ me satis-
 facturum. Iuvenilia mea quod eden-
 da proposueris, obsequar amori tuo,
 non iudicio meo : ego enim blattis
 & tineis iampridem illa damnave-
 ram. Tamen tamen, parendum tibi
 est , & conquista alicunde mitten-
 tur ad te propediem: nam negligen-
 tiam aut vilitatem hac in parte mei,
 non est, quod apud te excussem. Is
 sum plane qui scriptiunculas meas
 nunquam tanti esse putaverim , ut
 ævi oculos sustinere possent. Sed
 ne nimium crudelis in me esse vi-
 dear : quales quales isti libelli, vel
 reiecti vel repudiati à me , quando
 tu ita vis, in lucem, quam semel
 aspexerant, iterum prodeant. Tu
 ut tutelare numen illis sis, etiam at-
 que etiam cogita: ego hic, ut ait ille,
 post carecta latuero , tu in sole &
 arenâ vapulabis. Verum enimvero,
 si te studium hoc erga me & musas
 meas

meas non deserit, te impostero
 scriptorum meorum vivus volens
 Junonem Lucinam dico, creo, nun-
 cupo: per te & ex manu tua eant
 dias in luminis oras, per te vitam
 accipiant, & si ita genius vel meus
 vel tuus annuerit, vivant & ætatem
 ferant. Non est, quod dubites, ne
 te illorum copia non expleam; ita
 nunc totus lecturio & scripturio.
 Interim humanitate & amicitia tuâ
 mirificè conquiesco. Sed heus tu
 Elegiam hanc vide: amabis illam, si-
 quidem Iacobum Sobescium amas,
 juvenem spectatissimæ indolis, vir-
 tutis, eruditionis, quæ bona tanto
 in illo illustriora, quanto rariora in
 summâ fortunâ. Ego insuper habeo,
 quod ex illo gaudeam: alumnus est
 disciplinæ meæ; tam pulchre pro-
 cessisse, serio triumpho. Bene vale,
 brevi iterum meas expecta: ego iti-
 dem tuas expecto. Illustris Mare-
 schalcus mutationem transmittendi
 inter nos curabit, vir prisce huma-

nitatis, atque erga bonas litteras benignissimus. Iterum vale. Hoc amplius. Clarissimo Vackero cupio me insinuari: fac amabo amici officium, & commendatiunculam mei ad hanc epistolam, quâ illius amicitiam ambio, adiunge. Cernenani. Iunii 13. Anno 1613.

IACOBO SOBESCIO
 MARCI PALATINI LVBLI-
 NENSIS F.

R Edditus est patrijs tandem Sobescius oris,
 Unica magnanimi cura Samosciadae.
 Non, si illi fratrem germanum fata dedisset,
 Tanta avidus reducere letitia exciperet,
 Ut nunc unanimi sospes gratatur amico,
 Nec potis est presso gaudia ferre sinu,
 Quin usque iniectis amplexibus obvius haeret,
 Atque ipsam gestit pandere paene animam,
 Omniaque effundit cumulati munera amoris,
 O rare magnum foedus amicitiae!
 Scilicet hanc Musae sanctis aluere sub antris,
 Candor et à teneris nutrit vnguiculis.
 Et paritas morum iusto provexit honore,
 Et nullo lapsu contemerata fides.

Quin

Quin ipsi primævo ortu inseverè parentes,
 Nam quantum Iano Marcus amatus erat,
 Quamq̃ fuit Marcus sincere obnoxius illi,
 Pagina non isthæc dixerit ore brevi.
 O genus heroûm, ô nostri duo numina seclî.
 Vos tamen heu nimium mors properata tulit.
 At soboles vestro de germine candida mansit,
 Candida, non vestris disîta ab ingenijs,
 Inviçtasq̃ simul virtutes æmula vestras
 Et simul insignes æmula amicitias.
 Quantum sese illis hilarasset vestra senecta?
 Quanta oculis fluerent gaudia, quanta animo?
 Hæc vos leta tamen claro vsurpatis Olympo,
 Non claudit cæcis omnia mors tenebris.
 Quin sole in puro, radijsq̃ perennibus orbem
 Hunc inum, vestras aspicitisq̃ domos,
 Gaudetisq̃ istos iuvenes vestigia vestra
 Imprimere, & navis vivere pectoribus,
 Mutuaq̃ inter se consortia necere vitæ.
 Eas mihi sit Musæ grata referre mea.
 O senium, ô mea tot spargentes tempora cani,
 Multa equidem vobis debeo, lucis amans.
 Quod mihi tã pulchros servastis iugiter annos,
 Nec mea dum tellus lumina pressa tegit.
 Vt liceat vivo salatia tanta potiri,
 Quanta ipsi optarent, qui genuère, patres.
 Et spes non vanas studio depascere opimo,
 Et patriæ certis se recreare bonis.

Omnia nam cūm sūt mortalibus edita seclis,
 Disspereantq; vrbes, disspereantq; viri.
 Nec regum, nec regnorum stent libera fata,
 Cunctaq; versantur continuo interitu.
 Hoc se naturæ tamen exactissimus ordo
 Sarcit, & hinc rerum germina perpetuat,
 Quòd quæ deciduo tandem sunt fine perempta,
 Illis succrescunt mox alia atque alia,
 Et se substituunt quasi subducentibus vmbriis,
 Eq; novo gaudent surgere seminio.
 Sic nova, sub ramis se subijcit arboris altæ,
 Fraxinus, inq; locum matris opaca salit.
 Sic pereuntq; greges ovium, crescuntq; vicissim.
 Sic genitricem exest vipera nata suam.
 Vnda velut rapidis, sibiq; incumbentibus vndis
 Perpetuo lapsu se in mare præcipitat.
 Sic genus humanum semper variante propage,
 Alterum ab occasu pullulat alterius.
 Hoc plerunq; tamen vitij intercedit, vt ortus
 Inquinet egregios, deterior soboles,
 Degeneresq; edat fœtus immitior ætas,
 Semper & in peius labe fluente ruat.
 Heròum vt gnati noxæ, pestesque notentur,
 Vulgatumq; nepos, audiat opprobrium.
 Illos felices nimium, nimiumq; beatos,
 Illos divini germinis esse reor,
 Qui potuère suis innoxia semina natæ
 Inserrere, & nulla relinquere sorde domum.

Nobilibusq; incrementis se se evexere,
 Qualia vix magnis se sociant opibus.
 Namq; opibus convasandis, atq; anxie habedis,
 Dum noctes, totos indignantq; dies,
 Dum summa in nummis vite ornameta reponit,
 Hancq; vnam natis dant animam, atq; animu,
 Materiam fastus tumidi, luxusve pudendi,
 Et quaecunque pati prava libido solet;
 Sanctior interea virtus, & splendor honesti,
 Durior & morum regula deseritur.
 Hinc male parta patrum labuntur tempore puncto,
 Hinc genus, & generis fama vacillat iners.
 O iuvenes, ne tanta animis assuescite damna,
 Non vestrum est tali impingere principio.
 Vos melior sanguis, vos inclyta facta parentum,
 Splendida vos pulchri nominis aura levet.
 Hoc cultura animi pridem iuvenilibus annis
 Perfecta, hoc Musis preestita sancte opera
 Suadet, & inducit magnis componere mentem
 Consilijs, nec se mittere velivolos,
 Nec vanas sectari umbras fervoris inepti,
 Vadere per durum sed rationis iter.
 Hoc spes omnigenae, hoc patriae iustissima vota,
 Afflictae patriae heu anxia vota nimis,
 Iure suo, & propius poscunt urgente periculo.
 Cernitis, ut nulla nubila parte vacant?
 Evolat & totam fluctus sorbere carinam?
 Nec remi, nec iam lintea sufficiunt.

Auxilioꝝ viros longè labor vltimè omnes
 Advocat, & certo flagitat interitu.
 Aspice vt vestris in vultibus omnia figant
 Sese ora, & densi se agglomerant oculi?
 Faustisꝝ ominibus passim comitantur euntes,
 Et ceu clara poli sidera suspiciunt.
 Vos fore, qui patrum virtutibus equiparetis
 Nomina, quèis constet publica nixa salus.
 Reddere qui pacem patriæ, qui sancta sciatis
 Iura tenere hominum, iura tenere Deum,
 Nec sinere incurfare bonis, quando intonat iras
 Hostica sive manus, civica sive manus.
 Quare agite, & iam iam sudate ingentibus orsis,
 Gloria virtutum querit, & almus honor.
 Tuꝝ Samosciada prior ardua cepta viâ
 Ingredere, haut fallax alea iacta tibi est.
 Iam grave te Mavortis opus, iâ te hostica castra,
 Iam te Turca ferox audijt, atque Getes,
 Et Scythica ingemuère tuis examina campis,
 Teque sagittarum texerat imber atrox.
 Nec fuga te eripuit; quamvis numerosior hostis
 Ingrueret, quamvis cuncta timenda forent.
 Quin hostem præterlapsam fuga sustulit amens.
 Incipe te patrijs exerere auspicijs,
 Et te victorem semper florere labora.
 Fortuna audentes gnava iuvare solet.
 In partes veniet Sobescius, æmula virtus,
 Et geminos fratres promovet, & socios.

Castora sic Pollux, sic fortem Thesea texit
 Pyritheous, manui sic manus apta subit,
 Sic pede fulcitur pes constantissimus equo.
 Omniaq; alternâ sufficiuntur ope.
 Audiet hæc longè Zolkievi filius; illum
 Nunc fovet arguto Musa venusta sinu,
 Ambrosiosq; intus rores, & mella reposta,
 Et suada iudulget flexanimum laticem.
 Unâ inconcussi momentum roboris addens.
 Ut gerat exacto congrua corda viro,
 AEtatem antevolans, ipsis maturior annis,
 O quanto te olim fata beant comite!
 Quantum ille in patrijs lumen spectabitur oris:
 Communis impendet commoda quanta bono!
 Qualis longinquas ratis ausa accedere terras,
 Vastas trans Syrtes, vastaq; trans maria,
 Mercibus Assyrijs opulens, aut Perside gaza,
 Sistere se gaudet portubus in patrijs,
 Regificasq; effundit opes; manus omnis ad illam
 Convolat, illam omnes accipiunt reducem,
 Occursuq; procul, leto & clamore salutant,
 Et sibi quisq; optant munificam affluere.
 Dic Samosciada, ne tu clarissima Divum
 Dona, quibus vestrum condecorant genium
 Ignorare velis; fuerunt quæ maxima semper,
 Nec maiora vsus repperit omnimodus.
 Quod tantos numeres cognato sanguine iunctos,
 AEqualesq; ævo compare suscipias.

Non malè discordes studijs, non moribus atros,
 Quin culto affabrè conspicuos animo.
 Qui tua coniuncto sustentent robore facta,
 Inclyta qui tecum munia participent,
 Sublimemq̄ ferant cælo communibus ausis.
 Flumina sic proprio parvula fonte cadunt,
 Et tenui rivo trepidant viridantibus arvis,
 Nec sese claro nobilitant latice,
 Hinc atque hinc donec latè auxiliariis undis
 Aucta, procul vasto se æquore proiiciunt.
 Sic rex Eridanus fluviorum gurgite pleno
 Crevit, sic flumen, Vistula magne, tuus.

DOCTISSIMO ATQVE ORNA-
 TISSIMO IUVENI

GEORGIO DOVZÆ,

Dno. & amico observandissimo.

Nobilissime iuvenis,

Post tuum à nobis discessum,
 pro mutuo nostro amore, solli-
 citum me fuisse existimare debes,
 quomodo itiner hoc tibi cesserit,
 ecquid incolumis petita loca atti-
 geris, valuerisne vsque, & cætera
 eiusmo-

eiusmodi, quæ amici pii amicis ab-
 sentibus timere solent. Tum illud
 veniebat in mentem, domi meæ te
 non tam ampliter habitum, pro
 familiæ tuæ dignitas requirebat.
 Verum tu tenuitati nostræ ve-
 niam dabis, & ex animo potius rem
 æstimabis, non animum ex re. For-
 tunulæ meæ si hoc etiam scire vo-
 les, apud Heroem meum non pes-
 simè collocantur. Spero me hone-
 stissimi otij luculentam copiam ha-
 biturum in quo, & in libris vtinam
 mihi consenescere contingat. A
 Patre tuo hanc tibi epistolam; hanc
 alteram à Bircoveio. Petrum Cekli-
 nium qui tibi has reddit, scies esse
 ex primarijs Secretarijs Regijs, vi-
 rum optimum, literarum amantissi-
 mum, si quid librorum MSS. meâ
 causâ comparasti; vbi hominem mo-
 nueris, pretium dabit & ad me trans-
 feret. Bene valere te cupio. Leo-
 poli Anno 97. Iunij 26.

Tui amantissimus
 S. SIMONIDES.
 NOBIA

NOBILISSIMO IUVENI

GEORGIO DOVZÆ,

*Amico charissimo in aula legati
Angli Constantinopoli.*

S.P. **A**Ntonius vicinus meus
reddidit mihi à te episto-
lam, perbreve illam quidem; sed
tamen quod à te, gratissimam. vel-
lem enim perennem hanc nobis ami-
citiã esse, quæ quoniam inter
absentes vix aliã ratione commo-
dius retineri solet, quam literarum
frequentia, vsurpemus quæso officij
hanc mutationem. Ego meam vi-
cem non committam, desiderari à
te diligentiam meam. De te iti-
dem mihi persuadeo, obsequutu-
rum te pro benignitate tuã votis
meis. Itiner hoc feliciter tibi ces-
sisse gaudeo; turbatum tamen non-
nihil à nebulone illo *** doleo;
sed

sed nos improvidi, qui sanum & sobrium quicquam sperabamus ab hoc terræ foetu. Tu ipse videras, quæ mandata acceperat super te ab heris suis: maiori fide nemo commendari potuit. Sed quid facias? mala mens, malus animus. Hoc potius gratulor in familiam te acceptum à viro principe, qui honorem ingenio, tuo habere non spernit. Quid si hoc ita sit? vt læti aliquid dum advenit, semper præcedat, quod velis non evenisse: sed ego forteam refrico molestiam, quam tu iam olim expuisti. Ego etiamnum inter meos vivo, non alio negotio, quam vt illis & eorum rebus provideam. Brevi tamen expediam, & me apud Heroem meum collocabo. Ex ista peregrinatione fructum etiam ad me rediturum spero, quâ libris, quâ ceteris rebus. Quæso amici vt memineris. Bene valere te cupio. Leopoli 6. Septemb. An. 97.

Tui amantissimus

S I M O N I D E S.

A M^r. DE MORS.

Patrice d'Ambourg.

nous donnant SIMONIDE.

SIXAIN.

I E ne vante, de MORS, ton merite ou ta
gloire;
Aussi ne suis-je enfant des Filles de Memoire.
Tant de rares Escripts qu'affranchis chasque
iour,
Da la nuit, de la mort, te dressent la colonne;
Par sur tous, SIMONIDE, auquel je fai la
cour
Debattant aux Romains & aux Grecs la cour
rome.

DE NEREE Ministre
En l'armee de son Excel.

VITA

VITA ET OBITVS

ILLVSTRISSIMI HEROIS
IOANNIS SAMOSCII
REGNI POLONIÆ CAN-
CELLARII SVPREMI ET
EXERCITVVM DVCIS
GENERALIS,

AVTHORE

ADAMO BURSIO.

E

IN ARMAILLVSTRIS-
SIMI MAGNI IOAN-
NIS SAMOSCII *supremi*
Cancellarii Regni Polonię &
exercituum Ducis gene-
ralis.

*T*Res haste tria sunt insignia stemmata vite,
Doctrina insignis, virtus insignis, & inde
Pro meritis veniens vultu fortuna benigno.
His armis aucti Samosciade usque triumphans
Aurato curru inveci Capitolia celi.

ILLVSTRISSIMO AC
REVERENDISSIMO

DOMINO,

D. GEORGIO SAMOYSKI

Episcopo Chelmenfi, Abbati
Czervenecen. Domino ac

Patrono observan-
tissimo,

Adamus Bursius S.P.D.

S Ermonem hunc meum in
lucem exeuntem, ad te mitto,
tibi que dedico Illustrissime Do-
mine : multis nominibus te
prensantem. Primùm, quia lo-
quitur laudes Samoscii, hoc est,
magni patris tui : ideò, ut uni-
versæ domus illius, ita laudum

E 2

quo-

quoque, ad te imprimis pertinet patrocinium & tutela: deinde, quia solus es summus præses, iudex, & patronus huius Academię: quantulumcunque id est, quòd ex illius quasi sinu proficiscitur, id tibi præcipuè debetur. Accipe igitur excellenti illo animo tuo hanc vocem meam, minorem quidem longè quam sunt laudes illius magni Herois, sed illi tamen debitam-Vale.

ORA-

O R A T I O .

SI quis est vestrum , audito-
res, qui forte, ab obitu Illu-
strissimi Herois Samoscii ,
miretur nostrum vertentis huius an-
ni silentium: is obsecro consideret,
quid intersit unum vulnus an plura
accepisse : uno dolore an pluribus
esse consauciatum. Accepit ma-
gnum vulnus Respub. Polona, post-
quam sublatus illi est magnus Can-
cellarius , magnus exercituum im-
perator , Ioannes Zamoscius. Ille
enim fuit arx & murus Regum &
Regnorū Poloniae , princeps ac cul-
men Senatus , custos legum, defen-
sor libertatum , lumen ac decus ci-
vium , commune perfugium bono-
rum , fulmen bellorum , terror ho-
stium, deliciae literarum ac literato-
rum. Ad quem communem & pu-
blicum luctum, accessit privatim or-
bitas nostra : quae coniuncta cum
malo communi , geminato dolore

simul & ingenium & vocem nobis interclusit. Nunc quoque, si fas esset, quibuscunque ausibus nostris ipsum ad vitam revocari posse, tanti esset non modo lugere, sed etiam de vitæ nostræ demenso vitam illius redimere. Sed quia ille necessitati naturæ concessit, & coelitus ex hac statione in aliam est vocatus, cum prima sorte uti non possumus, utamur secunda; memoria virtutum, præsentem illum nobis faciamus: ab hac parte mori ille non potuit, quem rerum gestarum gloria iam pridem immortalem reddiderat. dum vixit, ærarium omnium bonorum omnibus præstitit: quod reliquit, specilegium est, sed rarissimum & preciosissimum, civibus suis insigne exemplum virtutum. Iam enim minus requiretis peregrina: hîc hîc domi habebitis omnis exempli documenta, in illustri posita monumento: unde vobis *Reiquepub.* quod imitemini, capiatis.

piatis. Quod multi excudent elegantius, ut est & materiæ & ingenii benignitas. mihi non tam copia quàm modus in dicendo videtur esse quærendus. Quamobrem præteribo, quæ illi cum plerisque multis fuere communia : quòd natus fuerit paterna stirpe & materna, avis, atavis, maioribus clarissimis & fortissimis viris. Plena est historia, plenæ voces Polonæ nobilitatis. A quo enim rerum Polonicarum scriptore, non celebratum genus paternum Zamosciorum? qui iam inde ab ultimâ memoriâ, non advenæ in hæc regna, sed indigenæ huius regni, ex stemmate nobilissimo Kozlorogorum nomine dicebantur. Ex quibus Florianus, cognomento Sari, vetustissimum insigne gentis suæ, novo monumento virtutis, auxit & cumulavit. Nam Prussico bello, Rege VVladislao Lokietko, cum inter hostium cæsa cadavera, fortissimè pro patria pugnans, effusis

visceribus iaceret, à Rege id spectante & admirante, ad memoriam sempiternam & decus immortale nominis Samosciani, ad trium hastarum vetus insigne, Kozlorogi dictum, nomen lektorum stemmatis, quod est Samosciorum, est consecutus. Ex hoc genere paterno oriundus, maternum duxit ex antiquissimâ & nobilissimâ gente Herburtorum: qui cum multis tam belliquàm pacis artibus perpetuo successu Rempub. hanc auxerunt & ornârunt, tum imprimis ingenii & doctrinæ gloria illustrârunt. Verùm hæc, ut dixi, Zamoscius cum plerisque multis habuit communia: patris illius certè singularem prudentiam mirari par est. Is fuit Stanislaus Zamoyiski, vir per multa militiæ decora clarus: quorum commendatione, primum nobilissimo municipio in Russiâ Belz nominato præfectus, postea in amplissimum Senatus ordinē est cooptatus, Castellanusque
Chel-

Chelmenſis appellatus. Multa huic viro debet cum Ruſſia, parens & al-
trix ipſius, regio clariffimorum &
fortiffimorum virorum fertiliffima;
tum univerſa Polonia: non ſolum
ideo, quòd hoc decus & lumen no-
minis Poloni Ioannem procreavit:
id enim fortunæ eſt: ſed quòd pro-
creatum ita educavit & inſtituit, ut
primus iter oſtenderit & pateſce-
rit, quò eundem fit huic, qui bo-
nus & commodus patriæ civis fit
futurus: quod ſingularis eſt pruden-
tiæ. Quamprimum enim attigit
hanc ætatem, in qua pueriles animi
primis literarum incunabulis infor-
mari ſolent, miſit eum diſcendi
cauſâ Craſnoſtavum, oppidũ quon-
dam celebre, ſed maximè eo nomi-
me; quòd illud hominem eruditum
Albertum Oſtrovski, tunc ludi li-
terarij præfectum haberet: quo pri-
mæ literaturæ pueriliſ præceptore
uſus, cum celeriter æquales ingenii
gloria ſuperaffet, facilè diſciplinæ

illius rivulis exhaustis, ad fontes ipsos ingeniorum se contulit. Erat Gallia tum plena doctissimorum virorum, in quibus illa lumina fuerunt: Adrianus Turnebus, Dionysius Lambinus, Iacobus Carpentarius, Petrus à Penna. qui & quanti Deum immortalem viri? quàm docti, quàm celebres? Turnebum igitur & Lambinum principes ac duces sibi elegit in his studiis, quibus animus ad humanitatem informari debet: Carpentarium in artibus & Philosophiâ: Petrum à Penna in Mathematicis scientiis præceptorem sumsit. Sed quid ego hæc commemoro? num pauci, nostratium quoque, illorum præceptorum ibidem copiam habuerunt? ex quibus tamen neminem Turnebi aut Lambini, aut Carpentarii, aut Petri à Penna, discipulum agnosceres, Iohannem Zamoscium facile agnosceres. Ecquid hoc rei est? Studium, auditores, studium, & arctissima opti-

optimi temporis in optima ætate
parsimonia. Id id interest. Quan-
tum enim alii ab audiendo tempo-
ris dabant conviviiis, quantum aleæ,
quantum pileæ, quantum lusibus, vo-
luptatibusque aliis, tantum ille su-
mebat ad recolenda hæc studia, quæ
ex præceptoribus audiebat: nec so-
lùm tunc, quum audiebat; sed quem
gustum ab illa usque ætate imbue-
rat, eius sapor, ut ita dicam, ad ulti-
mum usque vitæ spiritum in eo per-
duravit: verissimeque de illo dicti
tabatur, quod de sapientissimo si-
mul ac invictissimo Imperatore Ro-
mano Scipione Africano dictitari
solutum traditur: nunquam minùs
solum fuisse, quam cùm esset solus:
nec minus ociosum, quam cùm ef-
set ociosus. Sive enim domi, sive
foris, deambulando, iter faciendo,
in castris, inter arma, ac tela, per-
dus, ac pernox, quantum ocii con-
cedatur vel ab quiete corporis, vel
à negotiis Reipub. totum ad reco-
lenda

lenda literarum studia conferebat: & hunc reditum ad literas iucundissimam sibi esse animi requiem prædicabat. Adeò à teneris afüescere multum est. Verum ut ad id, quod coepi, revertar. His optimarum disciplinarum velut mercimoniis ex Galliâ deportatis, insatiabili quadam discendi cupiditate inflammatus, Patavium venit: in urbem celebrem, atque eruditissimis hominibus, studiisque affluentem. Ex hac plerosque nobilitatis Polonæ nuper vidimus adferre solitos doctrinam, subtilem illam quidem, & acutam, sed abhorrentem ab usu huius Reipub. ex qua nihil neque ad communem afferre fructum, neque in aspectum Reipub. lucemq; proferre poterant. Samoſcius autem, cum sibi persuasisset, nihil esse in vitâ tantopere expetendum, quàm laudem divini numinis, & patriæ felicitatem: ut ea copiis locuples, opibus firma, gloria ampla, virtute honesta

nesta fit: ad iurisprudentiã animum
appulit, quæ regendis populis, ad-
ministrandæ Reipub. maximè una
scientia est comparata : eam igitur
veluti ultimam manum studio im-
posuit. Interea cum de ingenio eius,
& singulari eruditione in dies fama
crebresceret, omnes, quicunque de
ingeniis aliquid iudicare poterant,
certatim sese illi applicuerunt : ac
unanimi consensu principem iuven-
tutis literatæ, Rectoremque Acade-
miæ Pataviæ creaverunt. Quo mu-
nere cum ingenti laude decurso,
quum iam abundans præceptis, in-
stitutisque optimarum artium, ma-
turus videretur rebus gerendis, pa-
triæ amor in Poloniam illum revo-
cavit. Nunc demum is mihi campus
esset orationi : si modo possem pro
magnitudine hominis, magnitudi-
nem orationis afferre : sed quum
parem non potero, pro re natâ,
quam potero, postquam cepi, prose-
quar. Tria ego existimo esse in cive
principe,

principe, quæ qui habeat, non ego illum quidem, ut noster ille, Deo simillimum iudico, sed cum illo comparo, quo post homines natos nec maior vir, nec nobilior, aut clarior civis esse potuit. Ea sunt: doctrina, virtus, felicitas: quæ omnia in multis aliis mediocria vel legimus, vel accepimus, in Samoscio omnia summa vidimus. Conscii sunt doctrinæ, & eruditionis illius, quicumque ad eum, vel cum eo unquam sermonem habuere. Quandoquæ & quotienscunq; ad eum verba fiebant latina, illa, quæ ex tempore respondebat latinè, latiniora & cultiora erant, quàm ea, quæ ab aliis, qui non mediocre nomen ex literis habebant, meditata, ac parata afferebantur. Quæ verò cogitatè accurateq; scribebat, ea sic probabantur, ut ad veterum scriptorum laudem pervenirent. Documento sunt scripta eius, cum magno emolumento rei literariæ in lucem edita.

edita. De Senatu Romano liber: quo admodum adolescens eruditissimam criticorum gentem conturbavit. Quid enim illis accidere potuit magis inopinabile, quàm iuvenem in ultimis Septemtrionibus natum, quos illi barbaros vocitant, id opus conscripsisse, quod senes, in omnium literarum luce natos, necesse fuit admirari. Sed virtus nec ætatem expectat, nec locum moratur. Dedit igitur specimen, qualia & quanta sint ingenia nostrorum, si ritè educta excultaque fuerint. Extat illius etiam opus legum & institutorum Academiae Patavinæ, quod antè dispersum & corruptum collegit, ordinavit, recensuit, edidit. Argumentum ingens, quantus erat futurus patriarum legum peritus, qui peregrinarum tantoperè fuit studiosus. Extat elegantissima oratio illius edita, quâ usus fuit ad Henricum Valesium, quando legatus à Repub. Polonâ missus, ipsum ad imperium

in Poloniæ Regnum vocabat. Artium verò Philosophiæque cognitio planè in eo fuit admirabilis. Quicquid enim à Græcis vel à Latinis ingeniis egregium, & doctrina scientiaque dignum literarum monumentis proditum est, nihil est, quod ille non viderit, legerit, planeque perceperit, sed etiam tenacissimè meminerit. In quo tantus fuit, ut sæpenumero nos ipsos in ruborem daret: qui assiduè in libris habitantes, nocturnâ atque diurnâ manu, scripta doctorum versabamur: neque tamen ex iis ita facilè, quoties usus venit, prompta parata nobis sub manum veniebant, quàm illi, qui ante multos annos hæc ipsa cognoverat. O diviniorem quàm Themistocleam memoriam auditores! Itaque cùm iam totum Respub. haberet, quæque summa erant, tam bello, quàm pace gereret, unicam tamen & referebat, & ostendebat, in fluctu negotiorum, animi recreationem,

nem, in Academiam, quam in patrio solo condidit, ventitare: nobilemque iuventutem non solum presentia excitare, sed etiam voce hortari; nec voce solum, sed disputando experiri: cum Philosophis, de Philosophia, philosophicè: cum Mathematicis, de Mathesi, mathematicè: cum Iurisconsultis, de Iurisprudentia, consultissimè. Idque unico hoc nomine se factitare & dictitabat, & declarabat, ut iuventus Polona intelligeret, ex quo fonte illa, quæ summa omnia in ipso erant, hauriret: hincque persuasum suo exemplo haberet, nunquam nec se potuisse, nec quenquam posse principem in Repub. extare civem, ad cuius naturam eximiam atque illustrem, ratio ac conformatio doctrinæ non accesserit. Quæ cum maxima in illo esset: ab ea tanquam à fonte manabant, quæcunque sive pace, sive bello, pro salute huius imperii, pro vita civium, proque

universa Repub. ab eo gesta fuerunt. Quod ipse sæpenumero prædicabat, se quicumque, & quantuscumque esset, omnia optimarum artium studiis accepta referre. Eorum enim decursis spatiis, ex ingenii doctrinæque celebritate cognitum ac commendatum, Sigismundus Augustus, Poloniæ Rex, in collegium Secretariorum suorum cooptavit: atque protinus inter primos huius ordinis habuit, moxque, quod regis sapientissimi erat iudicium, Samoscii verò summa in suscipiendo dexteritas, in agendo sedulitas, in conficiendo felicitas, non solum regio tabulario, quod Archivium dicitur, ipsum præfecit, sed brevi Capitaneatu Belzensi ornavit. Nec post unquam vel regem impositi, vel Samoscium suscepti muneris poenituit. Sicut attentus ad rem paterfamilias, nactus agrum fertilem illum quidem natura, sed propter aratorum pigritiam, nec cultum, nec fructuosum,

Stuosum, intellecta soli bonitate,
 impense operam faciendo, incredi-
 bile quantum horreum frumenti
 congregavit. Ita Samoscus, quæ-
 cunque antea in actis publicis, pul-
 cherrima illa quidem, & maximi
 momenti, sed veluti moles quædam
 indigesta, per incuriam, suppellex
 iacuit, illam recensuit, disposuit, or-
 dinavit. Qui labor illius non solum
 Reipub. bono fuit, sed ipsi privatim
 etiam in magnum emolumentum
 cessit. Quod enim discrimen esse
 putatis inter eos, quos Respub. in
 amplissimo dignitatis gradu collo-
 cavit: ex quo tamen cum de Respub.
 consilia ineunda, sententiæque di-
 cendæ sunt, alii mussant, alii pedi-
 bus in aliorum sententiam eunt, alii
 ita loquuntur, ut nec caput, nec pes,
 ut est in proverbio, eorum oratio-
 nis appareat. Samoscus autem, om-
 nibus Reipub. temporibus, iure suo
 potuit dicere idem, quod Apolli-
 nem apud Ennium dictitasse tradit

Orator ille, se esse eum, unde sibi populi, & reges, & omnes cives consilium expetunt. (quit, ex

*Suarum rerum incerti, quos mea ope, in-
 Incertis certos, compotesque consilii (das.
 Dimitto, ut ne res temerè tractent turbi-*

Verissimum enim oraculum fuit civitatis Polonæ: ad quod ora sua populus Polonus convertebat, ex cuius ore pendeat, à quo compos consilii, & rerum suarum, in quascunque ille incubuit, certus redibat: ex cuius ore melle dulciorem audiebat orationem. Hoc discrimen est, hoc auditores, quod Samoscus ad summam scientiam rerum universi sæculi, ad cognitos & perspectos omnium gentium, nationum, populorum, ex monumentis literarum, mores, leges, instituta, consuetudines, ad id, quod intelligentia penetravit, & notitia complexus est, omnium omnis ævi Rerumpub. ortus, incrementa, motus, conversiones, occasus, earumque prægressus, &

& antecessiones, causasque omnes in memoria habuit: ad hoc inquam adiunxit accuratam & exquisitam rerum domesticarum cognitionem: sine qua nemo, qui, & ubi sit, potest agnoscere: sed semper tanquam hospes & peregrinus in sua civitate versabitur. Samoscium autem verissimè vivam bibliothecam fuisse, possis affirmare. Ille ætates patriæ, ille iura publica imperii, ille privata civium, ille domesticam, ille bellicam disciplinam, ille foedera cum vicinis populis, pacta conventa cum sociis sciebat: omnium denique humanarum divinarumque rerum notitiam habebat. Felicissimè igitur per eum Respub. omnia & loquebatur, & agebat: nihil ei novum, nihil inopinum, nihil difficile, nihil arduum erat: omnia animo præcepta, præmeditata, pertractata gerebat: ad omnia Reipub. tempora, casus, pericula propè sub manu & consilia, & remedia inveniebat. Verùm

non solùm præsentia bona, vel mala, sed quod multò divinius est, futura, tanquam ab altissima specula, ab excelsa animi sapientia videbat luculentissimè, denunciabat certissimè; nunquam perplexus, nunquam obliquus, nunquam falsus. Hoc est, hoc, auditores, demum sapientem esse, non modò, quæ ante pedes sunt, videre, sed longè in futurum prospicere, ut dixit ille. Hunc talem, ac tantum, magnus ille animo, sapientia, virtute, Stephanus Batto-reus Rex Poloniæ, postquam ad imperium venit, diligenter quæsit; morum, consuetudinum, legum, iurium, totiusque Reipub. gnarum: sine quarum rerum scientia Rem-pub. dextrè gerere videbat se non posse. Maiorem invenit Samoscium, quàm quærebat: non solum in pacis artibus consultissimum, sed in bellis fortissimum, felicissimum, ut vidit eum, ut cognovit, omnibus dignatus est, quibuscunque maxi-mis

mis potuit , quæ summæ illi virtuti
 debebantur. Fecit eum imprimis
 legum omnium tam publicarum ,
 quàm privatarum huius imperii cu-
 stodem. (is enim legibus, & mori-
 bus Poloniæ est supremus Cancel-
 larius) Magnum me hercule munus,
 tantique momenti, quanti sunt ipsæ
 leges: salus nimirum, ac anima civi-
 tatis, verum nulli , quàm Samoscio
 convenientius, qui ipse anima, ut sic
 dicam, fuit legum, ac iuris. Putabant
 plurimi nostrorum imperiti rerum
 quidem, sed prompti manu, & ferro
 viri , longissimis spaciis à se distita
 esse ista, Minervam & Martem, lite-
 ras & bella , libros & tela , nec in
 unum concludi posse. Verum lau-
 datissimè sapientissimus Rex iudicio
 suo illorum stultitiam condemna-
 vit : Samoscio virtute refutavit:
 Regis iudicium mirificè comproba-
 vit. Creatus enim à Rege Impera-
 tor exercituum , Deum immortalẽ!
 quæ , & quanta documenta dedit:

non frustra ab antiquissimis, iisdem-
que sapientissimis, Palladem arma-
tam statui solitam. Tantus Impera-
tor in omni genere belli fuit; præ-
liis, oppugnationibus, totiusque bel-
li instrumentis, & apparatus: ut ne-
minem ducem post exortam Polo-
niam parem, neminem eorum, quos
usquam legimus, maiorem extitisse
unquam ostendere habeamus. Qua-
tuor censet ille has res in summo
Imperatore inesse oportere: scien-
tiam rei militaris, virtutem, auctori-
tatem, felicitatem. Quæ res ex his,
obsecro, illi defuit, aut potius quæ
non summa in illo fuit? scientia cer-
nitur in exercitu ducendo, in castris
metandis, in locis capiendis, in ur-
bibus, ac arcibus obsidendis, expu-
gnandis, capiendis, in arte conci-
liandorum hominum. Quis illo in
his omnibus fuit scientior? qui
omnibus bellis, quæ à regibus
Poloniæ hac tempestate, qua vixit,
gesta sunt, non interfuit solum,
sed

sed etiam præfuit. Qui Imperator plura bella gessit, quam alii legerunt: plures urbes cepit, quàm alii viderunt: plures victorias rettulit, quàm alii concupiverunt: plures triumphos egit, quàm alii spectaverunt: &, quod divinum est quiddam, sine ulla unquam offensione, nulla suorum iactura. Nec sine causa. Nihil enim unquam egit, nihil est molitus, quod non prius consultum, cognitum, exploratum haberet: opportunitates, loca, tempora, accessus, recessus sciebat. Nemo castra metari elegantius, nemo loca capere opportunius, nemo præsidia collocare tutius, nemo acies instruere melius ipso potuit. Nunquam igitur victus, semper victor: nunquam offensor, semper triumphator extitit. In oppugnationibus verò, ubi fossæ ducendæ, ut tanto intervallo, tanta vi unumquodque bellicum tormentum muros ferire, penetrare, diruere possit,

Archimedeæ arte circuli, trianguli, aut quadrati usu, tum aliis instrumentis conficiebat: Hinc fiebat, nullam tam munitam esse potuisse urbem, aut arcem, quæ virtuti illius esset inexpugnabilis: ut ad quamque venit, vidit, fregit, vicit, cepit. Virtutem autem illius, quis fatis aut demirari, aut verbis consequi possit? Laborem in negotiis, fortitudinem in periculis, industriam in agendo, constantiam in perficiendo, longè maiorem, quàm in Pompeio. Laudatur Alexander Macedonum Rex, & maximus omnium Imperatorum iudicatur: & iudicatur non à Phormione aliquo, qui nunquam ipse castra, nunquam hostem viderit, sed ab Annibale summo ipso Imperatore, qui in castris natus, in castris educatus, cum Romano populo totius orbis terrarum victore, multos annos de imperio dimicavit: laudatur, inquam, ex eo, quòd parva manu innumera-

biles

biles exercitus fudisset, quodque ultimas oras, quas visere supra spem humanam esset, peragrasset. Sed si Annibal reviviscere, & bella ab Alexandro gesta cum iis, quæ à Polonis duce Samoscio gesta sunt, quasi ad trutinam examinare posset, sententiam mutavisset: & palmam ab Alexandro ad Samoscium transtulisset. Quid enim? tantus Imperator non facile sensisset, quid interesset cum Dario homine enervato deliciis, fracto voluptatibus, exarmato ignavia, & cum Ioanne Basiliide viro multis domi, ac militiæ rebus clarissimo bellum gerere. Huius potentissimi Europæ, Asiæque Regis Stephanus Battoreus Poloniæ Rex, duce Samoscio, innumerabiles copias parva manu fregit, vicit, ad accipiendas à Polono populo leges compulit, Livoniam ab eo recuperavit. Sed ubi locorum? Deum immortalem! ad septentrionis usque oras ultimas, loca sylvarum solitudinibus

nibus inuia, cœli crudelitate inhospita, dira nive, ac gelu horrida. Vbi ei non solùm cum bellicosissimis hominibus illi cœlo familiarissimis, sed cum ipsâ locorum natura usu venit pugnandum. Verùm in isto bello, quanquam ductu Ioannis Samoscii non modò affecto, sed etiã confecto; quia tamen divi Stephani Regis non modò auspiciis, sed etiam auxiliis gesto, cui ille heros fortissimus, non solùm præfuit, sed etiam interfuit, non nihil potest magnitudo talis, ac tanti Regis de laudibus Samoscii delibare. Si ista laudum delibatio potest appellari, ac non potiùs summa laudum accessio, quòd sapientissimus simul, ac fortissimus Rex vidit, & iudicavit, a se tale ac tantum bellum confici non potuisse, nisi tali, ac tanto viro usus in eo gerendo fuisset. Sed ad ea veniamus, quæ proprio Marte ab eo, etiã sine Theseo, ut est in proverbio, ipsum summum fuisse Imperatorem
mirificè

mirificè comprobârunt. Mortuo enim Divo Rege Stephano, & Reipub. ad interregnum lapsis temporibus, hic solus fuit, qui, ut coelum Atlas humeris portare traditur, sic ille res Polonas sustinebat. In maximo comitiatu ad VVarschaviam, cùm pro legibus contra libidinem, pro libertate contra servitutem, pro iure contra vim, pro imperio contra factionem fortissimè stetit: effecit, ut maior, & melior pars civium, liberè, atque ordine posset, quæ sentiret de summa Repub. statuere. Omnibus igitur imperii Poloni ordinibus suffragantibus, legibus, & more maiorum, designatus est Rex Poloniae is Sigismundus tertius. Sed cùm adversa factio contra ius, & fas, Maximilianum Archiducem Austriae designasset, datum est à Repub. Ioanni Samoscio negotium, videret, ne quid detrimenti Respub. caperet. Is, ut fuit legum custos vigilantissimus, libertatis defensor acerrimus,
Craco-

Cracoviam proficiscitur, sedem ac
domicilium imperii Poloni desig-
nato Regi Sigismundo, servaturus.
Quid multis opus est? ad arma cum
Maximiliano ventum est. Maximi-
liani copias, Cracoviam oppugna-
tione infestantes, ad ipsa urbis mœ-
nia fundit: ipsum Maximilianum no-
vo, ac validò exercitu auctum, ad Bi-
cinum consequitur: signis collatis
vincit, capit, in triumpho Regi suo
sistit. Quæ unquam fuit victoria illu-
strior? pro quibus illius cum de pa-
tria, tum de Rege suo meritis, Deus
Opt. Max. tanta cum auctoritate
munivit, ut nemo postea hostis, non
modò arma illius, sed nec vultum
quidem potuit sustinere. Scytarum
gens barbarie immanissima, multitu-
dine innumerabilis, bellicosissimo
suo Imperatore Cassigero, fines im-
perii Poloni transire tentavit, quam
adversus, rapta valde exigua manu
suorum Samoscius, ad Cicoram ca-
stra est metatus. Inter maximos im-
pera-

peratores ponitur Pyrrhus, quòd castra metari scierit, quis scientius illo tempore castra metari potuit? Ut iis solis hostem in armis exercitatissimum, in præliis fortissimum, ac potentissimū, conturbaverit, terruerit, perculerit: effecit hoc Samoscus. Si in eorundem summorum imperatorum numero statuitur magnus Alexander, quòd pauca manu magnas hostium copias fundebat, quis minore manu maiores copias unquam profligavit? octuaginta millia Scytarū in armis fuere: quos Samoscus tribus Poloni militis millibus infestando, iaculando, cædendo, ita afflixit, ut pacem peerte, arma ponere, leges accipere, victore Samoscio necesse haberent. Quod si quispiā est, qui hoc sibi vindicaverit, in aliis certe potuerit, quibus vinci & servire non est novum, in Scytis non potuerit, quæ sola gens ex paucis nunquam fuit perdomita. Verum abhinc protinus vix respirare,

&

& paci morem ponere datum est; ecce Daciae ulterioris tyrannus Michael, omni copiarum genere abundans, Daciam citeriorem, populi Poloni provinciã aggreditur. Quid dicam, spiritibusne hostium populi Poloni, an insolentia affluentis perpetuò fortunæ inflatus, aut potius infatuatus, tam audax facinus aggressus fuerit? Sed credibile est magnitudine copiarum, quas numerosissimas, ex bellicosissimarum gentium populis, trahebat; fretus magnitudine victoriarum ex potentissimo Asiae tyranno Turca toties deportatarum elatus, in hanc mentem est impulsus. Felicissimus futurus, si ex alio mustaceo, ut est in proverbio, laureolã petere voluisset. Quid enim eo esset felicius, si importunissimum Christiani nominis hostem Turcam coercere, distrahere, infestare, exterminare perseverasset? certe immortalem suo nomini gloriam comparasset. Verum nescio

nescio quæ mala mens ipsum impulit, ut potius segetem ac materiam gloriæ suæ relinquere, quam dedecoris & ignominie labem quærere maluerit. Quid enim aliud quæsiuit? Trahebat secum Moldaviam, Serviam, Transilvaniam: sed paucis velitationibus vim ac robur nostrorum expertus, quamvis paucorum, ducis vero nomine consternatus, loco motus est, receptui intra cavernas montium & sylvarum cecinit. Ad Thelesinum loco munitissimo capto, exercitu instructo, prælii copiam fecit: sed signis collatis, mox acies eius inclinata, ferre virtutem nostrorum non potuit: hostes fusi, fugati, multa millia cæsa, ipse Michael per iuga montium cum paucis in Vngariam fugit. O singularem imperatoris nostri virtutem auditores: Scandeburgus in eo renatus dicebatur: Turcarum, Vngarorum, Germanorum, plures ac validos exercitus toties fuderat: is qui primò

G

adven-

adventum Samoscii ferre non potuit, vim sustinere quomodo poterat? Hic iam fortuna populi Poloni desiderabatur, ut perdomitis longè lateque hostibus, pacata quiesceret: nisi perfidia Caroli, Sudermaniæ ducis, non fatis sibi putasset Sueciæ Regnum intervertere, nisi idem perfidiæ virus in Livoniã transferret: transtulit & infecit adeò, ut traiecto exercitu, totam ferè Livoniã occupârit. Venit igitur in potestatem Caroli Livonia, provincia populi Poloni, non ita pridem, eodem duce Samoscio, ex potentissimo hoste, Moscoviæ duce, recuperata. Quid miremur priùs, sceleratissimamne perfidiam Sudermani: qui patruus, adversus filium ex fratre, sceleratum ac nefarium bellum suscepit: an furorem Suecorum, qui illum sunt sequuti: an potiùs pietatem incredibilem Ioannis Zamoscii, qui oblitus ætatis suæ senilis, oblitus fractæ iam infinitis laboribus valetudinis,

letudinis, oblitus quàm longissimum iter iret, quàm omni miseriarum genere infestissimum, ibi se totum tulit, vbi hostile incendium, patriæ damnum, Poloni nominis labem conspexit. Quod tamen sævissimum bellum modò non tertio pedatu, vt dicitur, confecisset: si illi tantum cum hostibus, quamvis perfidis, quamvis temerarijs esset pugnandum. Sed pugnatum est atrocius, cum fame, siti, morbis, algu, & gelu sævissimo: atrocius cum exercitu optimè merito, non optimè habito. Provincia à Carolo ad interneccionem devastata; hinc fames, stipendia & supplementa exercitui frequentius retenta quam data: hinc discessiones. Videres, ô dolor! ô pudor! imperatorem fortissimum Poloni exercitus, cum lachrymis precabundum milites prensantem; manerent, perferrent, obdurarent: infectis rebus non abirent: videres ipsum in oppugnationibus inter

media tela tormentorum volitantem: ictu globi truncatam frameam vibrantem: sub muros fortissimè tamen nitentem: in castris, sub pellibus inter gregarios milites vilissimo cibo, sordidissimo foculo, senile corpus sustentantem: simul & imperatoris & militis munia obeuntem: ærarium quantum potuit præstantem: interim tamen provinciam conficiebat, hostes submovebat, arces ac vrbes munitissimas recipiebat, vbique victor redibat. Verum tamen huius belli sævitia confecit eum: hoc ille vltimum testimonium pietatis suæ in patriam reddidit, cum infracta quidem valetudine, sed victor tamen domum reversus obiit. Ah lugubre Volmarum, Felinum, Bialokámienum, non es tanti nec tota Livonia! Sed Samoscio tanti erat mortem obire, dummodo ciues à perfidia & violentia hæretica, patriam & Regem à dedecore & damno liberaret. Quid interest inter

ter, non dico, Codrum & Decios, qui se pro populorum suorum salute morti devoverunt: sed inter eos, qui veræ religioni, contra falsam, sanguine fuso testimonium reddiderunt: vnde & martyrum nomen invenerunt. Breviter, non pro rerum magnitudine, sed pro temporis necessitate, bellica eius facinora memoravi: quæ illum summum fuisse imperatorem declarant. Sed quoniam bellicas laudes solent quidam extenuare verbis, easque detrahere ducibus, communicare cum militibus, ne propriæ sint imperatorum: ad eas venio, quæ socium habent neminem: ex quibus nihil centurio, nihil præfectus, nihil cohors, nihil turma decerpit: quæ sunt maximæ: prudentia summa in gerenda Reipub. cuius illa sunt duo maxima capita: vnum, quòd semper ille totum corpus Reipub. curabat, alterum, quòd sic tuebatur utilitatem civium, ut quicquid ageret, ad eam referret:

oblitus commodorum suorum. Solent alii vni parti Reipub. consulere, alteram deserere, aut negligere: solent regibus assentari, civium libertatem & commoda negligere: quinetiam aliqui perdere. Si rem perniciosissimam in Rempub. inducunt, seditionem atque discordiam: ex quo evenit, vt alii populares, alii regum studiosi sint & esse dicantur. Samoscius, & omnium regum Poloniae, cum quibus vixit, maiestatem semper sacrosanctè non solum amavit, coluit, observavit: sed etiam tuebatur: & Reipub. ac civium commoda atque libertatem acerrimè defendebat. Sapientissimè moderabatur hanc navim, veluti inter Scyllam & Charibdim: ne qua pars Reip. offenderet: ne quid detrimenti acciperet: vt tota integra, facta tectaque duraret: vt ad portum boni publici navigaret: ita libertatem patriæ ac civium tuebatur, vt regiam maiestatem sacrosanctam

& tam haberet : ita rursus reges cole-
 bat, vt iura, leges, incolumitatem-
 que Reipub. sanctissimè custodiret.
 Non vnus, sed vniversorum studio-
 sus erat : omnibus consultum vole-
 bat: seditiones ac discordias odio ha-
 bebat ; quod verum ac rectum erat,
 semper & prudenter sentiebat, & li-
 berè dicebat. Testantur hoc illius
 pro regum suorum incolumitate &
 maiestate, cum civibus dimicatio-
 nes: testantur rursus ad reges fusæ,
 nonnunquam cum lachrymis, co-
 hortationes, preces, obtestationes
 pro Reipub. vt eam ament, defen-
 dant, tueantur, obliti commodorum
 suorum. sed etiam in extrema
 vitæ tegula quum staret, id quod an-
 tiquissimum per omnem vitam ha-
 buit, moriturus, more solenni con-
 fessus est, & supremis verbis prote-
 status, & tabulis mandavit testamen-
 ti. Verba eius audite. *Secundùm*
Deum, inquit, maximè in terris, Sere-
nissimos reges meos, & Rempub. non as-

sentatorum more, sed sincerè colui : quibus fidem integram inviolatamque servavi. & eorum dignitatem foris, & libertatem charissimam domi semper habui. Qua in re certè nulla ex parte lesam conscientiam me habere, subiturus etiam Dei iudicium profiteor. Civibus meis quibusque, qui me leserunt ignosco, & ab iisdem mihi ignosci expeto. Pietatem erga patriam, observantiamque erga Regem, commendo : ut luxuriam & discordiam fugiant quàm maximè, & fœneratorum avaritiam publico consensu coerceant rogo. Pro me nihil aliud quam memoriam qualiumcunque meritorum meorum, postulo. Confido S. R. Maiestatem, patriam hanc nostram, que illum excepit, & aliis prætulit, ac suorum sanguine in regno confirmavit, constanter redamare : amor autem meus facit, ut eum vel currentem etiam hortari debeam. Privatim verò ab Maiestate Regia animum erga unicum filium ac domum meam, peto ; cuius curæ, benignitati, & auctoritati, præcipuè eundem
filium

filium meum commendo, & quasi de manu trado, in sinuque eius depono. Si quis est, qui sentiat, aut dicat serenissimo meridie non lucere, idem dicet (sentire enim nihil potest) Samoscii merita esse obscura, monita autem & preces eius, ac vota non sanctissima. Utinam verò eorum, utinam ô Samosci compos fias: non dubium est, quin felix ac beata Reipub. sit futura. Quam etiam tum singulariter beavit, quum iudicia à regibus ad populum transtulit. Ille enim transtulit; qui auctor, inceptor, perfector, sapientissimo ac fortissimo Regi Stephano Battoreo fuit, ut translata velet. Nam quum infesta vario genere bellorum Reipub. tempora essent: ille autem rex bellicosissimus nisi præsens ubique, defendendis finibus imperij adesset; pati non posset: iudicia, vel propter multitudinem actionum, vel propter fori, interdum vsque ad ultimos fines, in plures annos quandoque remo-

tionem: non modò cum magna difficultate, & temporum spatijs, sed etiam cum magno sumptu peragebantur. Vidit hoc Samoscius, & indoluit: protinusque Regi auctor fuit: vt potius mallet de maiestate & auctoritate sua regia detrahere, quàm de commodis civium. Hoc est, hoc Senatorem esse. Non magis igitur Stephani Regis, quàm Ioannis Samoscii beneficio, habetis iudiciorum tribunalia, ex equestri vestro ordine, instituta. Neque verò in publico solum hanc divinam animi æquitatem habebat, sed etiam privatim. Nunquam ille nisi adversus iudicatum hostem patriæ ferrum strinxit, nihil citiùs quàm privatas iniurias oblivisci solitus; quas oblivisci nefas putabat, non armis, quamvis poterat, (vt solent nunc plerique) sed iure persequebatur ac disceptabat. Vi neminem vnquam pressit: ab omnibus intestinis contentionibus alienissimus erat: de inimicis

micis, aut tacebat, aut honorificè loquebatur: à conviciis & maledictis abhorrebat. Quæ omnia ab excelso illius animo proficiscebantur. Hanc singularem illius animi magnitudinem, comitabantur illæ principes virtutes: magnificentia in agendo, munificentia in dando, constantia in perficiendo. Deum immortalem! quid ille in vita egit, nisi magnum? Non solùm ornamento, sed etiam munimento regnis & imperiis sunt vrbes. Contemplamini Samoscium, Sarogrodum, Ivvan-grodum, & alia oppida. Samoscium certè abhinc triginta annis conditum, cum qua vrbe Poloniæ, sive elegantia locorum, sive frequentia hominum, sive pulchritudine ædificiorum possit comparari? murorum certè, qui circumducti sunt, & propugnaculorum insuperabili munimento, cum nulla potest comparari. Urbibus non solùm ornamento, sed etiam honestamento sunt templa,
muni-

munimento etiam arces; quid templo Samosciano magnificentius? siue materiae, siue figuræ, ac formæ elegantia? quid arce elegantius? Verùm & Vrbes, & templa, & arces horrent, & squalent, nisi sint homines culti, morati, sapientes. Huius rei gratia sapientissimus Samoscus instituit in eadem vrbe sua Academiam, cultissimum seminarium omnium bonorum, artium optimarum, scientiarum, virtutum: seminarium Ecclesiæ Dei sacerdotum: seminarium Reipub. bonorum civium: seminarium omnis generis hominum, omni ordini, conditionique huius imperij vtilium: lucem sapientiæ, quæ non solum huic Roxolaniæ parti, sed vbique gentium dux sit honestæ vitæ, magistra morum, officina virtutum. Ad hanc regendam, lectissima quæque ingenia, ex Academia Cracouiensi evocavit, honestissimis stipendiis collocavit, certis laborum præmiis, prout cuius-

cuiusque vitæ institutum postulat, auctoravit : & perpetua autoritate iuris firmavit, libertatibus, & immunitatibus, cùm à sanctissima sede Apostolica Romana, tùm à Serenissimo Rege, atque vniversa Repub. impetratis, non modò munivit, sed etiam ornavit: Hippeumque appellavit. Præter enim cæteras Academi-
 as, quæ in hoc imperio reperiuntur, hoc Samosciana habet peculiare, quòd quanta quanta est, tota sic est conformata, vt equitum, hoc est, nobilitatis Polonæ institutioni sit accommodatissima, sive disciplinarum delectu, sive tradendi via, ac ratione. Scilicet sapientissimo illi homini, cui omnia viscera, & medullæ Reipub. nostræ fuerunt notissimæ, non facilè veniebat in mentem, quibus artibus iuventus Polona conformata, utilis Reipub. efficiebatur, & quibus non. Vidit, vidit ille, ideo ex præfinito necessitatis civium Polonorum, totam
 ratio-

rationem institutionis statuit, & ordinavit. Habent igitur reges, principes, habent primates & proceres in Samoscio, non solum quod admirentur, sed etiam quod æmulentur, & imitentur. Primatum est, principum, & regum, vrbes concedere: condebat Samoscus: templæ ædificare, ædificavit Samoscus: Academiæ instituere, instituit Samoscus. Denique, omnia, quæcunque præclara, & magnifica, partim perfecit, partim affecit Samoscus. Quæ laus solidior est in illo, quàm in alijs. In coelum laudibus tollitur Franciscus Galliarum Rex: in coelum laudibus tollitur Laurentius Medices Florentiæ princeps, quorum ille in Gallia, hic in Italia, eximia liberalitate in viros doctos, ex tenebris in lucem optimas literas evocârunt: magnoque non solum fructu, sed etiam gloria cives suos auxerunt. Et meritò tolluntur in coelum laudibus. Quis enim est,
 -0111
 aut

aut esse potest Rex, five princeps
laudatus, nisi hæc duo genera homi-
num foveat, promoveat, evehat:
fortem militem, & doctum virum:
alterum foris, alterum domi, miri-
ficè necessarium: qui id non faciat,
nec sibi vnquam, nec Reipub. uti-
lis, veræque laudis expers est futu-
rus. Fecerunt id ergo omnes lauda-
tissimi Reges, principes: sed tamen
Reges, & principes, partim ex com-
muni, partim ex amplissimis patri-
moniis liberales erant: noster Sa-
moscius nec nomine, nec opibus,
sed dignitate Rex, & princeps: non
publicas, sed proprias: non relictas,
sed quæsitæ propria induitria opes,
largè, & alacriter, in Reipub. salute
collocavit. Considerate quæso, qui
privatis rebus propter commune
bonum non pepercit, quem eum in
publicis fuisse existimatis? Quæsitus
aliquando, quare huius loci, atque
ordinis homo, quod plerique om-
nes faciunt, nullos thymelicos &
sym-

symphonicos haberet, respondit: Academicos Professores suos symphonicos esse: Typographiam vero suam esse musicam. Quæ vox potest esse magnificentior? Scilicet ille magno, & excelso animo vir, nullum acroama dulcius esse, quam sapientiæ declarabat: nullam animi præsentio rem recreationem, quàm ab honestis artibus, & scientiis sentiebat. Nec eum ratio fefellit. Hæc enim symphonia, non solùm has regiones suavissima doctrinarum auditione erudivit, sed per vniversum orbem terrarum delata, non modò Samoscii, sed cum eo totius Poloniæ nomen, ac gloriam propagavit. Populi enim Poloni laus est, esse in Polonia Academies frequentiores: vnde non modò discamus, sed etiam doctissimas regiones doceamus, & literarum monumentis augeamus. Dicitare solebat: si mihi tam dives arca esset, ex qua cives Polonos omnes ditare possem, ditâssem; nunc quum

quàm recta liberorum institutio
omni auro est preciosior, huius per-
ennem fontem aperui illis Acade-
miam, vnde eam filii civium hauri-
re poterunt. Quæ illustrior, sive ad
honestatem, sive ad diuturnitatem
munificentia? Iudicate, vtrum fin-
gi, cogitariue aliquis possit, qui fa-
cultates suas pulchrius collocare po-
tuerit, quàm Samoscius collocavit.
Sed ad illas virtutes veniam, quæ
non adeò ex arcâ, quàm ex animo
depromptæ, causam earum sustinent,
ex quibus istæ tanquam ingenuæ
proles prognerantur. Ex qua enim
radice pullulasse putatis, tantos pro
Repub. pro bono communi, pro
hominum salute labores, sollicitudi-
nes, curas, vigilias, de ipsâ vitâ di-
micationes? Quanquam enim ma-
gna est virtutum, laborum, pericu-
lorumque merces, magnum præ-
mium commemoratio nominis,
sempiterna laus, & gloria rerum
præclarè gestarum: cuius ille amo-

H

rem

rem honestissimum non solum confitebatur, sed etiam consecutus est: nec solum consecutus est, sed etiam orbis terrarum finibus terminavit. Verumtamen non his regionibus vitæ suæ spacium circumscribebat Ioannes Samoscius, non his limitibus cogitationes suas terminabat, maioris gloriæ stimuli animum illius concitabant: parui, & erronei animi esse ducebat, ut is, qui ad extremum spacium nullum tranquillum, atque otiosum spiritum duxerit, per exigui sæculi curriculum, tam leve præmium reportare satis existimaverit. Omnium igitur clarissimarum virtutum caput, & fontem solum, ac fundamentum habuit sanctissimam religionem, ac fidem vnicam Catholicam Romanam. Hanc solum credebat certissimè, ac verissimè, ostium esse vnicum ad gloriam immortalem: non hanc, ex testimonio hominum, licet bonorum, collectam; sed illam Dei Opt. Max. gratia

gratia ac dono collatam. Hac ille, tanquam regula, omnes actiones suas metiebatur: hac, ceu sæpimento, ac vallo, vallabat: pro hac perpetuò contra infidos, contra schismaticos, contra hæreticos, dimicabat. Huius extremo testamento vnicum filium hæredem instituit, hisque verbis est alloquutus. *Te, charissime fili, non modò hortor, verum etiam obtestor: primùm quidem, ut Deum & pietatem ante omnia colas: eamque, non modò potissimum, sed solum quasi bonum, aut omnium bonorum vnicum fundamentum iudices: imprimis religionem Catholicam constantissimè tuearis, hereses, novaq; dogmata, quaecunque, quocunq; etiam nomine obtrudantur, fugias: ac si fortè Regni amplissimi civem te leteris, ijs maioribus, qui meritis suis aliquam tibi nominis famam reliquerint: tantò magis præstantiore parente, Ecclesia Catholica letandum tibi statuas: que non modò tot Regum, atque principum, sed quod longè*

praclarior, omnium sanctorum commu-
 nis mater est: & in cuius gremio mori
 felicius est, quam ab initio nasci, cum
 non nasci satius sit, quam in hac non mo-
 ri. Hanc etenim obtestationem il-
 lustrissimis operibus consignasti.
 Quod enim illustrius est opus ho-
 minis Catholici, quam integerrimam
 fide, spe fidissimam, charitate arden-
 tissimam, obedientiam benevolentissi-
 mam, Catholicæ Ecclesiæ, hoc est, Deo
 ipsi, cum votis, supplicationibus,
 precibus, intimè adhærere? Quod
 maius opus, quam iuvandæ patriæ
 totum se dare, excitare afflictos,
 opem ferre egentibus, totum se vti-
 bus hominum tradere? Quod verius
 opus, quam ita viventem, usque ad
 extremum vitæ spiritum, benè agen-
 do non defatigari? verbis opus non
 est, luce sunt clariora omnibus, hæc
 omnia fuisse in Samoscio: in votis,
 suppliciis, precibus ad Deum fun-
 dendis, noctes, atque dies perseve-
 rabat ardentissimus: sacrorum, & ri-
 tuum

tuum, quæ Ecclesia Romana probavit, observantissimus: in communionem sacramentorum frequentissimus: in operibus pietatis largissimus. Testantur pietatem templa, altaria, magnifico opere, ac sumptu constructa, preciosissimis apparatus ornata: testantur ordines, & collegia sacerdotum dotata: testantur donaria in subsidium pauperum, tam literis operas navantium, quàm civium legata: testantur ptochodochia ædificata, & munerata. Quod si vt sanctissimi homines senserunt, decretisque publicis sciverunt, utile, & necessarium est, esse seminaria, in quibus iuventus piè, ac sanctè, à ministeriis divinis futura, instituatur, Academia quoque Samoscensis in opere pientissimo illius iustissimè debet memorari. Cuius pietatis, quùm non solùm auditor, sed etiam spectator esset: nec spectator solùm, sed admirator Clemens octavus Pontifex maximus, toties animum

hunc eius exosculatus, honorificentissimè scriptis literis laudavit, augustissimaque munera ex sanctuarij sui, imò totiùs cætus Christiani thesauro deprompta, petenti dedit liberaliter: quibus nunc nova templa, novis gratiæ divinæ muneribus quasi animata, salutariùs à cætu Christiano frequentantur, & celebrantur. O divinam herois nostri pietatem, auditores, qui loca paullò ante horrida, & inculta, ferarum latibula, non solùm frequentiâ hominum, sed, quod maius est, divini cultus studiis, fecit esse celeberrima. Præsciverat hunc, & prædestinaverat Deus Opt. Max. talem futurum: idcirco tanta illum felicitate beavit, quâ omnes nostrorum Imperatorum, omnes exterarum gentium, potentissimorumque populorum, omnes clarissimorum Regum res gestas superavit. Magnas res gessit Cyrus Persarum imperii conditor, Asiæ & totiùs orientis domitor: sed infelix demum,

demum, quum in foemineas insidias præcipitatus, exercitum & vitam simul perdidit: nulla talis in nostro offensio, semper victor, nunquam victus, vsque ad extremum vitæ spiritum perduravit. Magnas res gessit magnus Alexander Macedo, imperii Græci auctor, Persici everfor: sed infelix: primum fortuna, deinde vino ebrius: commessator, amicorum charissimorum interfector, peregrè suorum insidiis obiit. Nostrum heroem, nec adversa fortuna unquam fregit, nec prospera inflavit: plus semper genio negabat, quàm indulgebat, imò quàm necessitati satisfaciebat: amicorum observantissimus, ab inimicis cautissimus. Potentissimus fuit populus Romanus virtutibus bellicis Scipionum, Syllæ, Pompeii, Iulii Cæsaris: virtutibus vrbanis, Ciceronis, Cætonis. Sed Samoscius felicior Scipionibus: quorum maior Linterni exulavit, maior à suis in cubiculo

est interfectus: felicior quàm Sylla, qui resperſus ſanguine ſuorum civium, crudelitati finem poſuit, inopiam cędendorum: felicior Pompeio, qui civili bello victus, eunuchus imbelli iugulum præbuit: felicior Iulio Cæſare: qui oppreſſor libertatis, everſor legum, tyrannus patriæ, civili ferro atrociffimâ morte obiit: felicior Cicerone, qui nullus prope in rebus bellicis, primum exul, deinde proſcriptus, ſubiecit caput ferro interfectoris. Duabus tamen rebus ſimilis: vna, quòd ambo fuerunt doctiſſimi & eloquentiſſimi: altera, quòd ambo libera Reſpub. Patres patriæ ſunt appellati. Magnus autem Samoſcius, rebus geſtis æqualis Scipionibus, Syllæ, Pompeio, Iulio Cæſari, doctrinâ & eloquentiâ Ciceroni, & felicitate omnibus hiſ ſuperior: nunquam ſanguinem civilem vidit: incolorem patriæ libertatem conſervavit: illud in ſe convertit, quod de illo

Cenſorio

Censorio Catone proditum erat:
fuit optimus civis & Senator, opti-
mus Orator, optimus Imperator.

Catonis tamen virtus, flamma invidiæ adusta, conflagravit: Ioannes Samoscus, omnem invidiam virtute superavit. Iam fractâ valetudine ex Livonico bello rediit: neque tamen hæc eum à salute Reip. est remorata. Causâ Comitiorum VVarshaviam ivit, sed quacunque ivit, omnis populus certatim effundebatur gratulabundus, conservatorem, patronum Poloniæ, Patrem patriæ salutando: tensis palmis in coelum, vota & supplicia pro salute illius suscipiendo. Cui vnquam post Poloniæ memoriam, talis triumphus contigit? Cantabatur cum plausu Cæsariibus Romanis ille versiculus:

*De nostris annis tibi Iuppiter augeat
 annos.*

Sed iã non libera Repub. servorum & adulatorũ servitus & adulatio, illas non veras, sed fictas voces extor-

H 5 que-

quebat. Ioannes Samoscus in Re-
 pub. liberrima, à liberrimis homi-
 nibus, Pater patriæ est appellatus:
 supra omnem invidiam caput extu-
 lit. Imò ex ipsa invidiâ clarissimum
 triumphum egit: omnium trium-
 phorum decus. Rediit à Comitiiis
 domum, debilissimo corpore, sed
 animo vegetissimo: sensit se ex huius
 vitæ statione evocari: ab illo summo
 omnium Imperatore: sacris Chri-
 stianis se armavit: & iam funeris sui
 cantator ipse, tumulo suo, hæc ver-
 ba concepit, & inscribi iussit: *Ioannes
 Samoscus, quicquid mortale habuit, hic
 deponi iussit.* Magno ac invicto, vt
 semper fuit, animo, inter sermones,
 de æternâ illa beatitudine, de præ-
 miis bonorum, obdormivit. O lux
 Poloniæ extincta es: ô turris fortis-
 sima fracta es. Dum vivebat, duo
 hæc optabat: vnum, vt patriam li-
 beram relinqueret: alterum, vt fi-
 lium decurso artium optimarû cur-
 riculo, excultum & eruditum con-
 spiceret.

spiceret. Nam hac etiam optatissi-
 ma parentibus felicitate cumulatus
 est, Thoma Samoscio: qui susceptus
 ex illustrissimâ & lectissimâ coniuge
 Barbara, Comite à Tarnovv, non
 solum ore patrem refert, sed etiam
 indole & ingenio: mirifica memo-
 riæ capacitate, discendi celeritate,
 intelligendi acumine: vt illi pater
 non solum patrimonium, sed etiam
 gloriam hæreditate reliquisse videat-
 tur. Vtrumque igitur consecutus
 est. Exantlatis enim sexaginta trium
 annorum laboribus, decursis hono-
 ribus, domitis hostibus, pacatis fi-
 nibus, in libera Repub. mortuus est:
 alterum reliquit iis continuandum,
 quorum curæ domum suam vniver-
 sam commendavit: Georgio Sa-
 moyski, Episcopo Chelmensi, Ab-
 bati Cervenecen. cognato & dile-
 cto suo: Nicolao Zebrzydovvski
 Palatino Cracovien. ac Generali,
 affini suo: Marco Sobieski Palatino
 Lublinen. Stanislao Zolkievvski,
 Castel-

Castellano Leopoliens. ac Præfesto
Campestri exercituum Regni Polo-
niæ, laborum suorum in bellis alte-
ro Theseo. Hi sapientiâ, virtute, ho-
noribus, ac rebus gestis, magni &
illustres viri, cum præceptoribus,
quibus ille dum vivebat institutio-
nem in literis bonis filii sui manda-
rat, nihil antiquiùs habent, quàm vt
ex præscripto parentis, & desiderio,
educetur, instituatur, erudiatur: &
qui nunc sunt in ætate tenellulâ,
annorum duodecim, profectus il-
lius in studijs humanitatis, ex his
non dubium argumentum sumitur,
fore vt existat dignus & patriâ & pa-
rente filius. Quum igitur ita habet,
quod non solùm sapientissimi ho-
mines putaverunt, sed etiam sanctis-
sima religio Christiana confirmat:
qui patriam conservaverint, adiuve-
rint, auxerint, certum esse in cœlo,
ac definitum locum: vbi beati ævo
sempiterno fruantur. Ioannes Sa-
moscius, qui omnibus dum vixit, à
Deo

Deo Opt. Max. muneratus fuit: patriam non solum iuuit, conservavit, auxit: sed vitam & spiritum pro salute illius effudit: in piis operibus facultates & vitam consumpsit: in hoc curriculo usque ad finem perseveravit: potestne cuiquam dubium esse, quin postquam mortuus est, caelo receptus, aëvo sempiterno fruatur? Fruitur verò, & quod in vivis faciebat, orat obsecratque pro patriâ. Te verò, ô Rex Sigismunde, ô patria, ô cives, supernè alloquitur. Ego iam à vobis nulla præmia virtutis, nulla insignia honoris, nulla monumenta laudis postulo: memoriam laborum meorum & meritorum postulo: in me exemplum statuetis, quâ conditione posthac eos esse velitis, qui se pro salute vestrâ obtulerint, laboribus, periculisque omnibus: ne mentes, ne fraudes, ne tela importunissimorum hostium vobis nocere possint, ego providi: ne ipsimet vobis, ac mihi noceatis, vestrum

vestrum est providere. quamquam mihi nihil iam noceri potest : quid enim est, quod mihi iam ad vitæ fructum possit acquiri? Sed vestri fructus sunt, vestra laus, in vobis perpetuum præsidium esse, iis, qui dum vixerunt, perpetuum præsidium vobis fuerunt: hoc bonitas animi, hoc gratitudo, mater virtutum omnium postulat. Hæc ille à patria. A te verò generosissime puer, non iam lachrymas, sed vt memineris, quo & quali parente natus sis : quibus maioribus : vt Patronos tuos ames, colas, observes, studia literarum tractes, Academiam hanc paternam, altricem iuventutis tuæ, ames, tuearis, augeas : vt dignus tanto parente filius inveniaris,

DIXI.

*Habita v Junii A. C. MDCVI
Zamoschii.*

Tumulū
MAGNI ZAMOSCI

DOLORE OMNIUM SUMME
DENATI

III IVNI A. C. MDCV.

Qua nituit clara fœcunda Polonia gemma,
Nunc Mors in gelido luxuriat tumulo.
Dicamne heroum exemplar, vitæ, SAMOSCI
CVM?

Vix aluit maius Lechica terra decus.
Hic sibi, non Patriæ vixit satis, attamen, eheu
Quis vetet occiduas non periisse rosas?
Effundit mœstas natus cum matre querelas:
Iam satis, vt miseris temperet à lacrymis.
Cælo animam, terre liquit sua viscera mirū est
Hunc tumulum tantum condere posse virum.

1811

MAISON D'AMOUR

BOULEVARD DES FILLES DU CALVAIRE
PARIS

III 171 A.C.



Faint, illegible text, likely bleed-through from the reverse side of the page.

